

兩
浙
輶
軒
錄

兩浙輶軒錄卷四十四

顧若璞 陸瑤英 王芬從 葉寶林 馬氏

虞氏 祁德淵 祁德瓊 商景微 王端淑

朱氏女 沈榛 沈理 陸若松 孫蘭媛

鍾韜 徐燦 李因 商景蘭 衛琴娘

柯氏 趙烈婦 祁德蒞 張德蕙 朱德蓉

張昊 張昂 馮嫻 林以寧 姚令則

褚靜貞 閔徽音 范氏 錢涓 彭琬

陳瑞麟 黃氏 東荷 柴靜義 朱柔則

黃媛貞 黃媛介 陸觀蓮 爰默 彭孫婧

彭炎 王夢鸞 唐元觀 吳太安人 丁瑜

方景 商采 張曼殊 戴王夢 徐昭華

蘇 棻 郭 蕙 楊守間 金 荷 楊素英

楊素中 馬福娥 蔣紉蘭 金 淑 陸素心

施璉昭 周 翼 劉 煥 王德音 胡雲英

王氏 蔣永瑞 梁孟昭 毛 媿 顧啟坤

陳院永 徐氏 孫 潮 程 芬 楊珊珊

褚 貞 厲淑慧 孔傳蓮 周志蕙 吳受竹

曹氏 項 佩 徐氏 戴素蟾 葉 定

徐 錦 梅麗春 陸 言 李貞媛 屈鳳輝

劉淑慧 胡 蓮 陳氏 徐 源 吳 黃

聞 璞 程氏 周秀眉 李 檀 孔繼孟

孔繼瑛 姚世鑑 王氏 吳 翼 鮑 詩

金士珊 韓寶鉏 孫孺人 陸 雲 吳 瑛

倪夢庚 張 埶 金 順 姚益敬 李美儀

朱氏 梁 瑛 杭 澄 周氏 袁 機

王氏 閻懷英 顏晚思 陳瓊圃 胡慎容

商 可 胡慎儀 曹慰我 李禱荏 盧蘭露

盧芸泉 高 瑛 陳登肇 孫琬蘭 勞純一

汪 亮 朱文英 陳繁沼 陳 順 朱 遼

陳 絢 魯湘芝 樓瑜官 周 琴 周 婉

楊夢琴 邵秀雲 汪汝淵 節婦竄 梅玉卿

孟折蓮 沈 芬 孔蘭英 趙德珍 唐在東

陳淑旂 戴韞玉 陳 素 王 荃 李氏

顏佩芳 戴佩蘅 戴佩荃 戴詠繁 韓鸞儀

韓鳳儀 嚴 文 沈烈女 李祥芝 陳文鸞

梁 嫺 趙氏 吳年 莊玉清 徐湘

舒靜娟 德容 行剛

兩浙輶軒錄卷四十

督學使者阮元訂

顧若璞

字和知，錢塘人。前明上林丞。女白，女參議。黃汝亭子婦，副榜。茂梧，室若。臥月軒，偏又曰繡餘。吟稿。

五快堂香閣秀句集。小序：顧若璞爲督學黃寓庸長子。文學東生，婦生而風慧幼，嫻詩書。東生亦工古文詞。以病卒。遺二子：女彬、彬。

有文皆苦瑛教之也。

顧若羣，臥月軒高序畧曰：自余高會以來，言詩者數世矣。羣不佞，不能讀父書，而言情之作，遂獨工於姊氏姊氏早爲黃伯子婦。伯子早夭，吾姊教其二藐，夙以其餘力自肆于詩古文之間。每夜分執卷，諷詠良苦。尤好讀史，器不獨五言七字之爲工，學日益進。則緒吾先濬江以來，蕭泉二祖數世之業，而大貞父之傳於其後人，端在是。

又序曰：

吾世數十年以來，于菽田先生、女玉、燕氏則有玉樹樓、適草長、瑞庚先生、女淨芳氏，則有鏡園、適跡而存者，爲張更如氏之書，爲梁孟昭氏之畫，爲張似音氏之詩，若文皆開秀麗，垂艷流芬。宜馬先生謂錢塘山水蜿蜒磅礴之氣，非擗紳學士所能獨擅，而馬先生尤噴噴余以妻黃字鴻氏所爲，聞晚吟至，擬之杜之北征。舊之南山，商謂吾姊氏之文，不能以五言七字爭奇于險韻，知言哉。

池北偶談葉石林每令諸子女兒婦列坐說春秋近日
武林黃夫人顯氏名若璞所著臥月軒文集多經濟大
篇有西京氣格常與婦女宴坐則講究河漕屯
田馬政諸大計謂斧中乃有此人亦一奇也
湖海樓婦人集武林顧若璞黃少參汝亨子婦也早歲
稱未亡人盛有稿才所著臥月軒稿行世中有舅姑墓
誌銘及外行狀文章詳贍學者躍之王西樵嘗言夫人
卧月一集中多經濟理學大文率經生所不能為者
雲雙齋詩話和知年未三十即稱未亡人享高年諸孫
及諸女孫輩皆能拈韻賦詩和知顧而樂之有為報九
原相待客詩書一綫可能而之句尤聽含飴足
慰半生燈清髮白之感矣予二衆碎皆諸生

秋日爲環兒修讀書船泊斷橋下賦詩

聞道和熊阿母賢翻來選勝斷橋邊
亭亭古樹流疎月漾漾輕鳬泛碧煙
且自獨居揚子宅任他遙指米家船
高風還憶浮梅檻短燭長吟理舊編

湖中

湖光渺渺冷煙微汀鷺沙鷺佇不飛
却欲抱琴輕別去菱荷

分綠上羅衣

陸瑤英

仁和人諸生湯頤和室吏部侍郎右曾母著閑窗小草

湯禮祥曰六世從祖母陸太夫人前明吉水令通昌公女也性喜習書工詩辭以清麗著聲嘗擬古妾薄命篇詞多辛切其他著作亦皆徵角之調卒年二十四子二長諱仕曾諸生次諱右曾官少宰

春懷

又逢今日養花天何事憑闌思渺然切切鳥因歸去語芊芊
草似伴愁眠江煙江月知何夕春雨春風不計年莫道金閨
徒有淚心期早寄白雲邊

王芬從

餘杭人戶部侍郎嚴筑室

碧齋詩話嚴侍郎夫婦酬答詩什并尺牘凡十紙合裝為一冊予昔見而錄之夫人詩七律二首七絕二首其七絕第一曰暮春早起一日連雨竟夕又七律二首侍郎評其第一首云音調雅艷惜前未道振耳次首云聲容氣體無不高華清妙

和子餐寄懷韻

相思屈指已兼旬此日綢繆問東薪耐可有情長夜月分明
無計肯閒人堦除碧滿花聲靜檻外紅啼客思真兩地相看
憑好句一番愁已度三春

葉寶林

餘姚人前明按察使
憲祖女黃宗義室

姚江詩存淑人少讀書能解大義有詩數卷然未嘗握
管自喜于歸後聞郡城閨秀有以詩酒作社者因自笑
其稿

採花蜂

遍採名園萬樹芳春風鼓鑄滿篝糧徒勞巧醢三冬計詎料
難酬百疊房甘苦不須重借問艱辛回憶倍堪傷若還解得
爲誰語隨分安身是道場

馬氏

字靜青
會稽人

越郡詩選毛大可曰吾郡閨秀古體詩惟馬靜音

王明君詞丁啟光月氏王頭飲器歌差足自見

產煙兒誌喜

有叙

煙兒甲子適與祖同誌之以詩

良辰屈指及秋元喜見明珠耀小軒今日人皆稱似祖他年

汝莫媿爲孫秋風丹桂非無種福地仙桃信有源佇看綵衣

娛白髮禎祥重與細評論

虞氏

浦江人虞邦理女東陽李俊培室

惜別

淹淹奉酒卮心緒亂如絲不道別離苦還思相見時

祁德淵

字熒英山陰人前明蘇松巡撫祁彪佳女同邑姜廷梧室著靜好集

越風桐音既沒數英三年後仍縞素子芭貽等泣請易

服不許曰侯若輩有成名者則易之芭貽登床熙彞西

賢書復請乃易之毛西

河有祁夫人易服記

送黃皆令歸鴛湖

西風江上雁初鳴，木落寒塘一棹輕。
繞徑黃花歸故里，滿堤紅葉送秋聲。
片帆南浦離愁結，古道河梁別思生。
此去長途霜露肅，何時雙鯉到柴荆。

邢德瓊

字修媽，山陰人，德淵仲妹，同邑王駕叔室。

越風修媽夫人詩體清適，自是閨中作手。

和皆令遊密園

朔氣晴開萬戶烟，寒林落日點紅泉。
十年亂事悲星散，千里交情喜月圓。
松徑猶能邀令客，桃源應信有羣仙。
攀芳踏盡池塘路，泥印蓮花步步妍。

歸梅市和渾君韻

萬山晴色映蒼苔，雙槩沿堤急浪開。
絲鷁茫茫離水郭，歸途

處處近樓臺野花迎客穿籬出柳絮因風拂袖來相見無言
含笑立聞君白雪有新裁

商景徽

字嗣音會稽人商周祚次女景蘭妹上虞徐成清室著承雅堂集

毛奇齡徐徵君墓誌畧曰仲商夫人者大冢率商公周祚女也與女兄蘇松巡撫祁公夫人俱能詩近世能詩家稱伯仲商夫人徵君選家難意落拓無生人趣及與夫人行嘉會禮乃就故居藉山門閣寢前廣庭構以藥欄設長筵當中發故所藏書散環之而對坐橫觀之暇則抽讀各爲詩如是者有年天合老尼從萬年來遙望見夫人合掌曰善持此妙色身如來也蓮花化身相好光明既而咄嗟曰善持之幾見曼陀長人問耶于是徵君與夫人約誓當著一書而子且從老尼請發願寫妙蓮花經三部以延其年夫人然之

送觀雅二姪之襄陽就婚

三月垂楊夾岸新畫船爭送畫眉人
岳陽樓遶仙源路鵲橋通湘水濱
玉鏡影移雙鳳侶翠幃香煖百花春
裁成博議思鄉切須寄魚書慰老親

題畫

溪水流潺湲孤村多薜荔雨後清磬遙中有寒山寺

雨集承驩堂

當年繡戶集羣仙一旦分飛罷管絃不道寒飈吹雨過新亭
池畔話當年

秋杪送靈月菴主之武林

木葉飛紅滿畫圖乘杯欲渡遠山孤今宵蝴蝶隨風去同到
芙蓉西子湖

盈盈別淚濕榴裙一片寒雲送雁羣若向吳山頂上住不堪
東望鑑湖雲

遊南華山館

秋水芙蓉映曉霞隨風蕩漾到南華佳人盡向池邊立渾似

粧臺鏡裏花

王端淑

字玉映號映然子山陰人王思任季女

鄧漢儀

曰山陰王季重先生有八子惟女玉映能讀父

書負才

與四方名流相倡和對

客揮毫

同堂角座所不吝也

適與詩

話毛西河遜浙江閩秀詩獨遺山陰王氏端淑

用二姓

西河句王端淑未必無顏色怎奈毛君下筆何引

怡合

陳其年云山陰王端淑意氣罕舉尤長史學父季重常

撫而愛憐之曰身育八男不易一女今人但知其精於

詩學無有知其通於史學者西河著書

不讓洪皓史之句亦可為端淑小傳

小樓曉望

江城殘漏盡曙色萬山齊海闊星沉野烟深樹隱溪鼓聲虛
夜月車馬試春泥誰解幽人意樓頭燕子低

吳山春望

越角吳頭一望開黃羊野馬總堪哀草痕新綠扶山閣花氣
輕紅落酒杯一鏡春涵朝日動雙臺潮走暮江迴龍舟鳳輦
今何處南院西宮幾劫灰

採菱曲

蘭橈桂楫西風裏無數菱花照秋水羅袖垂垂薄晚煙美人
臨鏡惜華年採菱歌罷不知處慢逐歌聲亂流去

朱氏女

小字鏡子
會稽人

越郡詩送朱氏鏡子以倚樓致
病亡所作閣上吟思致宕迤

閣上吟

今日倚西樓明日倚西樓青山不可盡慘淡五雲秋

翻調江南曲

苦耶溪畔久無花惟有清溪帶落霞不解蕩舟雙槳去坐看

樓角月初斜

沈

僚

字伯虞嘉善縣人進士錢謙室

講李詩繫儒人爲前明天啟乙丑進士南昌府推官沈德滋女

家園古藤花

園有九松亦舊植

循牆蜿蜒走龍蛇占盡家山首夏花
氤氳影隨華髮動鬢累香貫蕊珠斜
窺園乍對疑朝綵隔檻遙看候晚霞
折得一枝持叩問藤年還並九松誇

沈

垠

字未男嘉善人主事丁彥室

構李詩繫沈垠爲順治己丑進士工部主事丁彥元配彥妾鄒蓮午亦能詩相繼早歿繼妻吳中燕嘉興人垠解文義性高寒放跡山水以終

卽事

睡起春慵拂曉颺攬人幽夢是黃鸝
一竿攢鼻隨南阮何事

縣縣催畫眉

陸若松

字長青自號龜山女史海寧人葛惠係室著永菴詩選

俞賈華曰葛惠係字邇周光祿卿徵奇之孫康熙庚戌進士官上猶如縣女史所著永菴詩選惠係序而刻之

署中秋夜和邇周韻

誰憐作客又經秋坐久閒庭夜氣幽離思空隨青嶂繞歸心遙寄白雲浮孤城畫角驚殘夢遠浦寒砧送暮愁憶得五湖明月好莫將塵俗負漁舟

孫蘭媛

字介曉嘉興人曾補長女諸生陸潤室著併香閣詩

王端淑曰介曉詩如行云流水在有意無意間

橫宇詩繫介曉工詩詞多韻語不雜脂粉兼擅畫蘭竹妹靜曉早算詞工小令

雨夜聞梅香作

溼盡孤窗燭冷時
霖花香破一枝枝
通翁未解蕙
昏雨清淺

問臨曉影池

鍾

鍾字眉令仁和人海寧查崧
齋室著梅花圖詩存一卷

俞寶華曰鍾經爲福進巡撫鍾
化民孫女獨修查前行母也

重過方氏山居

西溪山下路
茆屋俯溪流
又是經年別
重來此地遊
名花多映檻
修竹半遮樓
未識人間事
耕桑已白頭

得遊遠京口信

長風遠去好乘槎
短札遙傳記歲華
屋裏寒梅三百樹
年年偏看客中花

示兩兒讀書吳山

喪亂還家後
周旋只兩兒
苦辛都爲汝
貧賤且從師
慎勿趨時好
何須戀舊茨
晨昏原細故
努力慰衰遲

兩浙斷野錄

卷四十

臨若松徑蘭奴鍾經

七

秋夜獨坐懷夫子久客湖山

夜寒添半臂秋氣透窗紗孤榻齋中影殘燈夢後花授衣時已晚望遠路偏賒却怪天涯客經秋不憶家

徐

燦

字明霞號湘蘋吳縣人光祿丞子恩女

選佛詩傳夫人幼通書史父光祿鍾愛特甚時素菴陳公方舉孝廉原配沈即世請繼室於徐遂許婚焉及素菴入爲學士夫人嘗登寓中山亭望西山雲物時託吟嘯尤好爲長短句素菴居政府時爲編次題曰拙政園詩餘初集後從素菴謫居塞外七年素菴歿諸子亦先後摧折夫人布衣練裳茹素不畱一字落人間矣康熙十年九月

聖駕

謁

陵夫人跪迎道旁手疏引告面陳

上曰豈有宛乎對曰先臣惟知恩過豈敢言冤伏惟皇上覆載之仁俯賜先臣歸骨其立言能持大體如此夫人

事母至孝手寫大士像五千四百八以祈母壽晚年遂皈依佛法更號紫雲氏所作有弔古詩玉案詞最佳傷心悞到蘇城路攜血淚無揮處半月橫欄霜幾樹紫蕭低遠翠剏明滅隱隱羊車度碾波碧浸橫江鎖故壘滿蕭蕭落葉浦塵水不知人事錯戈船千里降旗一片莫

怨蓮花步夫人嘲查氏族女文琳爲季子
堪永室未婚而堪永卒文琳遂守貞不嫁

送方太夫人西還

舊遊京國久相親三載同淹紫塞塵玉佩忽攜春色至蘭燈
重映歲華新多經坎壈增交誼遂判雲龍斷宿因料得魚軒
回首處沙場猶有未歸人

李

因

字今是又字今牛號是龍又號龍山逸史會稽人
一作錢塘人海寧光祿卿爲徵奇側室著竹鳴軒

集

一作

作笑

靜志居詩話是菴善畫花竹之天斜禽鳥之跳躍具有
生動之趣刻沈香爲像以奉白芻山人詩其餘事爾然

無鉛粉

之飾

湖海樓婦人集海昌女子李因作水墨花鳥幽淡欲絕

王吏部嘗題其芙蓉鸞鴛畫云寒入金塘花葉孤非烟

非雨態橫柳嬌家女子丹青絕寫作芙蓉四鳥圖姚月

華小傳高作作芙蓉匹鳥也李是葛光祿徵育夫人以

著

著

邵漢儀曰錢唐李因資性警敏耽讀書恥事鉛粉時時
作頤語人未有知者荷目葛公介龜偶得其梅詩有一
枝畱待曉春開之句遂異而納之適偕與沂太湖渡金
焦涉黃河汎濟水達幽燕從遊宦者十五載每遇林木
孤清雲日輝映是菴攀筇作花卉數本介龜每加以題
跋分鬪角韻互相丹黃以爲樂一日道經宿州值兵變
舟中錯愕下相頭是菴獨越數舟自覺痛相見且訊且
推擊叢矢劍貫其掌是菴不覺善後介龜卒四
慰猶手把一編曰簪珥馨矣幸青瑣無恙後介龜卒四
壁蕭然至不能舉火是菴矢相舟弗變躬親紡績或時
寫丹青以自給暇則讀書嘯咏如平時所著竹笑軒吟
草吳本泰朱嘉徵並爲序嘉徵序略曰光祿遇譴卒之
變矢石交下夫人以身蔽蔽創特甚無何光祿死國難
夫人荒焚稱未亡冰雪貞操四十年如一日其詩沈鬱
抗壯一往情深有烈丈夫所難爲者

秋江晚泊和豫章李夫人韻

石尤風急泊沙灣日落寒江鷗鷺閒秋水空明千里月荒烟
暝鎖萬重山樵歌野唱猶行路僧寺殘鐘獨掩關潦倒蓬窗
愁客夢漫披詩史手重刪

春日家祿勲南歸

欲賦高軒過門前到者稀楊花衝幙入猶落故人衣

秋暮書懷

時序催黃葉排空雁字橫獨愁增白髮多病怯秋聲老愧黔
驢技多慚刻鵠評人情深可畏搔首嘆餘生

自家祿勲逝後余獨居竹笑軒手植梅花到今又數尋
矣昔人有云白楊作柱紅粉成灰樹猶如此人何以
堪撫景凄然偶占短句

曾咏梅花待晚春泉臺應念未亡人再生恐是非非想願化
花魂作後身

白髮蓬鬆強自支挑燈獨坐苦吟詩此愁謾爲梅花道腸斷
黃昏風雨時

郊居

避世牆東住牽船岸上居雨分三徑竹晴曝一牀書上坂驅黃犢臨淵羨白魚衡門榛草遍長者莫停車

商景蘭

字媚生會稽人前明吏部尚書周祚女蘇松巡撫賜諡忠敏祁彪佳室

朱彝尊曰祁商作配鄉里號稱之仇隱相重未嘗有妾媵也忠敏懷沙日夫人年僅四十有二教其二子理孫班孫三女德淵德瓊德蒨及子婦張德蕙朱德容薊蘭之樹荷藥之花題詠殆遍經傳市者望若十二瓊樓焉鄧漢儀曰夫人有二媳四女咸工詩每暇日登臨則令媳女輩載筆林硯匣以隨角韻分題一時傳為勝事聞秀黃皆令入梅市訪之贈送倡和甚盛予覽其詩冊書法道婉皆可愛

悼亡

公自垂千古吾猶戀一生君臣原大節兒女亦人情折檻生前事遺碑死後名存亡雖異路貞白本相成

夜雨

雨過玉階芳草綠美人夢渡交河北交河萬里何處尋夜伴
歸鴻沙草宿

衛琴娘

天台人

丹徒縣志順治三年十一月廿露寺有一婦人死於場
公祠內僧啓其戶見壁上安書字微行云妾赤城弱質
也姓衛小字琴娘于歸三月忽遭亂離市地鼓鉦振之
北上歷吳波淮欲死無所幸以琵琶擊之得脫虎口
逃破面毀形畫乞窮途夜伏青草吞聲背泣惟恐人
知偶登北固江山滿目不覺涕零因爲短吟二首

題壁

衣片鞋幫半委泥千辛萬苦有誰知幾回僻處低頭看獨自
傷心獨自啼

日斷天台旅雁長青山綠水杳茫茫不知憔悴中途死魂夢
何時返故鄉

柯氏

黃巖人
夏濟室

兩浙輶軒錄

卷四十

商景蘭新琴娘柯氏

十

秋樓遠眺

秋風遲我一登樓檻外山楓錦色稠一片白雲歸雁急牛林

黃葉暮蟬收

趙烈婦

仙居人趙炳
烈婦妻女震錦室

陳卓曰烈婦被兵難俘至河華溪兒口
聞夫已被殺嚙指血題詩衣間投水死

題衣

鼓鑿滿地不堪聞天道人倫那足云聽得睢陽空有舌裙釵

只合弔湘君

祁德蒨

字湘君山陰人德蒨
季妹同邑沈子台室

越郡詩選黃開平曰吾郡閨秀鮮解古體惟馬靜英王
明君詞丁步孟月氏王頭飲器歌差足自見特比較風
格此爲更醇耳毛大可曰梅市閨秀爲吾郡冠忠敏公
以大節自見閨門內外悉隔絕人事以吟咏寄志侍妾
妾婢無不知詩真盛事也商夫人詩通盛唐與子婦楚
纓趙璧女十容湘君輩講究格律居然名家常見奕喜

云近方其光選古然已能彷彿惠連道猶非其比伯調
徐絳有詩云箕子國中許小妹錦官城內王夫人風梳
騷代不相接筆陣一門驚
有神以方王許似猶過之

題錢舜舉鴛鴦

柳絲織烟金縷細綠波宛轉通春意錦塘一曲靜沉沉下有
鴛鴦七十二交頸雙栖睡起遲烟輕紗煖艷陽時誰教錢選
生香筆畫出多情崔珣詩

送別黃皆令

畫閣聯吟恰一年此時分袂雨淒然雲間歸雁路何處林下
飛花香可憐遠客青山皆別思仙舟明月已無緣懷君日後
添離夢寂寞荒村度晚煙

張德憲

字楚鑑山陰人前明諭德
張元作孫女祁理孫室

越郡詩選楚鑑詩格律最峻且多
名句中秋詩知眉句亦不易刊

兩浙詩林錄

卷四十

趙烈婦祁德憲張德憲

越風楚韻夫人哭修婚
詩一片深情悲音綠繞
湖海樓婦人集黃運泰
創曰閨秀則梅市一門
人孕京陵之德閨中顧
句楚襄趙璧媛婦誠以
其他正室名妹香套織
因流傳最久編題姓氏
約十二家問閨風流莫
此爲盛

送別黃皆令

一曲驪駒送酒卮離亭斜日影遲遲
王孫芳草歸途見驛使
梅花去後悲秦望雲深遮客棹吳江
楓冷繫人思遙知月照
孤帆處正是風吹懸樹時

鬪牌

難遣離懷白晝昏紅牙牌裏強爭論
不因嬌嬾無倚緒輸却
金釵未收言

朱德蓉

字越璧會稽人前明太史
燮元孫女山陰祁璚孫室

趙郡詩選黃開平曰趙璧凝班曉婦咏扇有隨適自安
之意怨而不傷深見忠厚毛大可曰趙璧詩總是雅飭
上已一詩沾
落有勝情

寄長瓊

別思滿秋風懷人月影中
籬花含露濕岸葉帶霜紅
孤雁書應至雙鳧路未通
候蟲清夜細惆悵與誰同

上巳

桃花新水湔春衣舊日闌干到亦稀
斷岸羽觴晴日暖遠山橫笛暮雲飛
沙棠舟落江鷗起玳瑁梁空海燕歸
尙有采蘋思未足不堪月色上羅幃

張

吳

字槎雲錢塘人孝廉壘女

舉人胡大潔室著趙庭詠

鄧漢儀曰張槎雲孝廉張步青之長女也孝廉苦貧以
授經餬口四方母陳氏僅責以女紅而槎雲喜讀書覽
典籍輒知其文理所著詩詞皆工從兄祖望偶見槎雲
詩有殘風殘雪一段橋邊之句槎然歎曰是妹必以詩傳

但福薄耳癸卯年十九歸胡生文滿偕和極諧丁未步
青赴春官試卒于京師訃音至槎雲鼎悼欲絕有孤山
何太苦變作我親耶之句讀者憐之喻年槎雲方晨起
與文滿論詩語及闕盼盼絕句曰詩至此得無傷乎旣
而曉粧畢繫衣臨窗徘徊久之疑眺雲際忽曰吾腸斷
矣侍兒扶至牀目已瞑先是槎雲妻白鶴振翅於庭人
言謂槎雲曰盍乘吾以歸乎若夫婦七年之緣已盡矣
槎雲跨雀背憑空而起有若神仙及其卒人始知爲兆
云集名
趨庭咏
寒食

人倚雕闌竹倚衣女桑遙聽子規啼陌頭楊柳休攀折繫住
春光不許歸

西湖閒詠

隣家阿婦生嬌妬不許春光到妾家何事籬門關不住東風
到處發桃花

張

昂

字玉霄錢塘人墮
次女洪文詩室

悼姊樣雲

長夢何時覺終成不返期寒窗朝喚鳥孤榻夜啼兒綠鬟遺
香在黃泉夙恨隨春風搖白草無以寄相思

馮

嫺

字又令錢贈人錢
延枚室著和鳴集

沈心友和鳴集序畧曰吾友錢子照五先達仙巢公之
子仲虞馮先生之賢備也幼隨母夫人遊西溪偶過馮
先生山莊先生與其夫人一見奇之以女又令歸焉又
令生長西溪鍾山川之秀弱齡卽聰穎異人讀書過目
成誦太夫人春秋高兩人朝夕
不離膝下定省之餘唱和盈楮

夫子辭讓繼產詩

有引

向夫子雁行中斷近被慈命以長房次孫偕余幼子
兩續仲氏之後夫子恐蹈自私之嫌辭所析之田爲
蒸嘗地余高斯舉慨焉成詠兼以爲勗

世風雖日降古道當復爲君家世孝友及君克振之內省允

無疾清夢亦相宜
瞻彼西鄰宅草萊
生階墀榮瘁在朝夕
人力靡所施君幸來
天眷堂有鶴髮安貧
耕筆墨菽水薄無虧
稽古勝百城世紛何
足縻鴻鵠翔寥廓俯
視空塵泥相期固清
節固較是與非敦茲
廉讓節庶使薄俗移

重九後二日林亞清顧啟姬錢雲儀偕遊顧侍御願圃

卽景限韻

何處飛來擬洞天
丹山碧水非人間
西風葉墜聲漸瀝
此時倡和幾忘夕
自憐瓦缶同雷鳴
楓落吳江意已平
低徊出戶難爲別
回首城西暮靄橫

林以寧

字亞清錢唐人進士林綸女醫

錢東萊墨莊詩鈔序畧曰墨莊詩鈔我石出觀配強淵之所著也石臣爲吾家才子天欲以一代之才享石臣并將以一輪月三年精緒百篇詩其題畫名曰藏言今日

王季詩可是前身顧虎頭其贈言自序曰少從母氏受
書取古賢女行事誦諄諄提命而尤注意經學且頗爲大
儒不願爲班左等語凡此
皆亞清之自爲寫照也
沈德潛曰錢唐錢石臣室以學哭智夫人詩云忽爾青
鸞返碧虛瓊花吹折痛何如修文應是才人盡徵到姮
娥舊侍書天上修文幾成
妾話一經難化頓覺鮮妍
錢秦階曰石臣公林夫人從宦河陽日衙齋蕭散筆端
茗椀則夫婦偕酬著鳳簫樓集爲士林佳話著墨莊文
集墨莊詩餘
墨莊詩餘

哭姊氏雙成四首

粉香零落玉臺斜雨暗秦樓幽恨賒此日蕊仙應侍案何時
毛女一還家熏爐錦帳餘蘭氣短褐丹書覆土花寄語門庭
猶似昔清畦秋潦潤桑麻

憶昔同乘一葉舟古梅花下作春遊風清羅袂翩然舉雨壓
茶烟宛轉留回首勝時皆是夢而今觸處不勝愁芳魂縹緲

歸何處料得乘雲過十洲

姚令則

字柔嘉錢惠黃羅屏室若半月樓集

錢鳳綸傳畧曰姊姓姚文學龍起公長女弱齡卽能詩年十四歸叔氏祖姑顧精翰墨有臥月軒稿姊於定省之餘執經問字晨昏討論力學有年著半月樓集半月樓者卽臥月軒之側樓也余不敏同研席者二三年姊不我棄常以詩文見授舅病不起如贊襄大事宗族稱孝有寡姑以夫死於難撫其子若女鞠育教誨若母與叔氏結縭二十餘年不孕患無後

青妾廢生一女憐愛過於已出

碧簪詩話姚令則爲顧若璞孫婦所居半月樓在海鹽半道紅之北黃氏世居於此卽吾友小松司馬祖宅也

絕命辭

賤妾何薄命朝露不自存憶昔辭父母十四入君門上堂事舅姑寒暄共苦辛今冬省母病何意逢災屯比翼忽分飛長爲泉下人傷哉平生志一旦委埃塵膝下無兒女堂前有老親勸君須努力奮翮凌秋旻

緒靜貞

號繡餘嘉興人
桐鄉沈顯室

鵲李懷古

幾度春光幾度秋不堪憑弔獨凝眸
城圍萬井樓臺滿水浸千村
日夜浮古寺有僧祠范蠡芳洲無鶴放
裴休嘉禾墩好知何在惟見荒烟繞
陌頭

聞人嶽音

餘姚人著
樊榭詩選

姚江詩存徵音爲太守某公孫女以所配非
偶憤鬱而卒其詩思沉與逸能不寄人離下

夜坐

蓼子灘頭正捕魚亂紅飛撲小庭除
天邊獨雁來清夜鏡裏孤鸞逼
歲餘砧杵月明虛伴我簷鈴風細待思渠
輒展轉終無寐起點名香讀素書

題寺壁

名山頂禮轉街坊倦足盤跚覺路長茅舍尙畱春夢短池塘
初發野花香三分花信歸紅雨一片離情攬別腸此意無人
能會取聲聲杜宇訴悲涼

范氏

秀水人魏塘計駿室

錢仁榮曰范氏事父事翁姑皆以孝稱夫以翁姑相繼卒營葬畢自沈於溪

哭太翁

少微星影落虛空驚化堂前白髮翁此去亾孫定相見各揮
清淚九原中

錢

字贊文秀水人錢泮女平湖薛萊可室著抱雪吟

摘李詩繫錢裴文爲薛吏部振

淚始有抱雪吟一卷白爲序

秋夜

玉盤皎夜光術麕蕩林壑刁調發天簫蕭瑟捲敗簾并梧暝

浮烟轉轡冷空索長睇靜徘徊茲景何寥廓

彭

琬

字玉映海鹽人孫遜從姑浙江總兵馬孟驥媳

精李詩緊琬與妹炎稱雙璧王端淑曰琬詩巧慧俊冷不作淺浮小語

懷王辰若夫人

湖上烟生碧樹枝柴扉晝掩落花時何當得覩雙文貌堪羨
攀來道蘊詩曲遲茶香留夜月朱闌鳥下看圍棋三春風雨
愁深淺病骨支離無限思

陳瑞麟

字若蘭海鹽人著綠窗閒詠

湖海樓婦人集若蘭著閨辭百首娟麗去花葉夫人不遠

閨辭

春閨三月養吳蠶南陌柔桑滿竹籃爲避行人回步急不知
簪上墮牙簪

一白檀郎赴玉京殘燈挑盡淚盈盈黃昏又值芭蕉雨不管
人愁滴到明

黃氏

永康人白雲隱君徐某
室著繡佛菴詩文稿

繡佛菴老人自題

老人手種千行絲圓坐石欄睡初覺十二時中繫所思廬山
瀑布瀟湘竹

題白雲隱君小像

籬邊兀坐逃白叟不讀離騷維飲酒古貌冰心傾長韻瑤琴
自理清窗手

東

蕭字佩君富州
人沈雲石妾

楓葉

霜華來秋色珊瑚獨耐寒還愁風落盡須帶夕陽看

柴靜儀

字季嫺仁和人孝廉雲備女廣文沈漢嘉室著疑香室詩鈔北堂集

湖墅詩鈔柴季嫺上書畫與林以寧亞清顧如啓姬錢雲依馮又合稱蕉園五子詩有台刻季嫺卽用濟在津

雨別駕

之母也

碧谿詩話清詩別裁稱疑香室詩本乎性情之貞發平舉術之正韻語時帶微詼不可於風雲月露中求也令子方舟能承母教朱柔則爲其子婦庭閑風雅爲杭林佳話

秋分日憶子用濟

過節思吾子吟詩對夕曛
燕將明日去秋向此時分
逆旅空彈鋏生涯只賣文
歸帆宜早挂莫待雪紛紛

東圃

捲幔憐春色披衣畏曉寒
葉稀將補竹花密欲分蘭
圃近求蔬易村遙得酒難
無人抱幽興來此看林巒

示婦朱柔則

偶來香閣裏看爾試新妝雲鬢偏宜小春衫不用長病猶勤
組繡貧不廢詞章尤喜能操作依依井臼旁

鼎用濟

君不見侯家夜夜朱筵開殘杯冷炙誰憐才長安三上不得
意蓬頭黧面仍歸來嗚呼世情日干變駕車食肉人爭羨讀
書彈琴聊自娛古來哲士能貧賤

朱柔則

字道珠錢塘人沈用濟室

國朝詩別裁方舟爲紅蘭主人客道珠遙寄故鄉山水圖
主人作詩有應憐夫婿無歸信翻畫家山遠寄來之句

方舟旋歸當
時傳爲佳話

雲雙齋詩話道珠爲柴夫人李潤子婦吾鄉閩秀姑婦
兩世能詩者可稱僅見當與吳中陸卿子文淑並傳爲

詩佳

蘇路詩話方舟有妾顧氏字春山道珠有河渚觀梅約
題女春山一詩云相期河渚玩春華一棹連風路未賒

樓外有梅三百樹美人不到不開花此詩雖不言
顧春山能詩而玩味詩意則亦不嫌爲淑女也

寄遠

閒居無一事夫婦喜雙清詩句更相和圍棋每對枰小鬟歌
送酒愛子戲吹笙誰使爲羈旅迢迢悵別情
半載無消息深閨空爾思艱難門內盡憔悴鏡中知女病求
巫覡兒饑問餅師貧居二十口獨力愧支持
空復憐兒子迢迢隔薊城煥寒勞問訊衣食苦經營歲月嬉
遊慣詩書背誦生幾回當與杖思汝氣全平

往日遭多事衰門強自持儉從鄰里笑病畏阿娘知生計愁
顛覆焦勞且歲時童年憂失學燈火課諸兒

一片白蘋洲茫茫總別愁書從天上寄人向夢中求長日何
難曉芳顏且易秋猶存舊巢燕窺爾讀書樓

恨少垂楊柳，殷勤繫玉鞍。夕陽鴻背暖，春雪馬蹄寒。入世逢
迎拙，依人去住難。癡兒啼向我，昨夜夢長安。

送外之大梁

前時失意悔遊燕，此去中州枉自憐。飄泊君同蘇季苦，操持
吾愧孟光賢。計程已隔三千里，念別誰堪四五年。

方舟云此行以五年

爲期莫向離亭歌折柳，恐催客淚落離顏。

黃媛貞

字皆德秀水人太
守朱茂時側室

弔鶴詩

素魄飄然上白雲，松風寂寂竹深深。月移誤識來時影，花落
當持去日心。錦帳美人思妙舞，別峰高士想空音。雲霄孤冷
尋何處，日夕閒看水木陰。

黃媛介

字皆令秀水人媛貞妹
楊元默室著湖上草

靜志居詩話俞在言云亡友黃鼎平立二妹一字皆德
一字皆令均有才名皆德為貴陽朱太守房老深自韜
晦世徒盛傳皆令之詩皆然皆令青綾步障時時被筆
朱門微近風雲之色不若皆德之冰雪淨聰明也
西河詩話陳何奇子夜歌二章蓋憶余作也其序云外
人以避歸未歸檢皆令子夜歌二章其詞則是在如何不得
詞曰一去已十載九夏隔千山雙珥依然歲暮那有見
更又云白露收荷葉清明種藕枝君行方歲暮那有見
蓮時舊體蓮本隱露今借隱蓮然亦可隱
湖海樓婦人集嘉興黃皆令詩名噪甚恒以輕帆載筆
格訪吳越間余嘗見其僦居西冷段橋頭凭一小閣賣
詩畫自活稍

給便不肯作

鄧漢儀曰黃皆令揚世功之配也產自清門兄弟皆好
文舉皆令遂卿詩詞且工畫吳祭酒梅村曾製鴛鴦門
詠四章贈之乙酉適亂轉徙吳間羈白下後入金沙閉
跡樵東張無放及夫人于氏資給之時時往來虞山與
柳夫人為文字交其兄開平不善也然皆令實甚時
柳詩畫以自給後僦居西陵所居一樓與兩高峯相對
前歷側理是其經營終不免資珠璣屋之與地主汪然
明時招至不驛與與閨人輩候棗每周急焉鄉從風雪
中波西與入侮市與商夫人諸問秀唱和所著有越遊
草予客湖上世功攜皆令詩及畫見贈珍之懷笥弗敢

也伏

樽李詩盤黃媛介書法鍾王人以衛夫人目之畫亦點
染有致會稽商夫人景蘭贈之詩云門鎖蓬蒿十載居
何期千里觀雲翻才華直接班姬後風雅平欺左氏餘
入體臨池爭幼婦千言作賦擬相如今朝把臂憐同調
始信當年女校書王端淑有奇皆令梅花花櫻詩云買
急欲探先春風雪偏羈病裏身問有梅花花櫻詩云買
如爾未全貧東筆塗殘半是鴉身問有梅花花櫻詩云買
只恐有花笑怪我春來不憶家嘗自作離歌序云予
雖衣食取資于翰墨而聲影未出于衡門古有朝隱市
隱漁隱樵隱長歌題曰離隱歸示家兄或者無
省母聯作長歌題曰離隱歸示家兄或者無
曹娥續史之才庶幾免文如失身之玷云頭
碧溪詩話按黎城新築吳詩集覽載吳偉業題鴛湖
問詠詩曰石州縣城新築吳詩集覽載吳偉業題鴛湖
香泥蛺蝶錦囊添線緒驚鴛鴦秋風鴛鴦素描長卷春日
竿製短章江夏只今標杭苑無雙才子掃眉娘休言金
屋貯神仙獨掩羅裙淚法然栗里總無歸隱詩鹿門猶
有賣文錢女兒浦口堪同住新婦磯頭種田夫婿長
楊須執戟不知世有杜樊川絳雲樓閣敞空虛女伴相
依共索居學士每傳青鳥使蕭娘同步紫鸞車新詞折
落還應就舊事裝烏鵲不如記向馬融譚漢史江南
落老尚書誰吟統弱鵲詞頭白下相迂吳絲鸞才比左

分年有少婿求韓重過應難玉顏屢見鶯花度翠袖須
求雙雨寒往事只看予薄命致書知已到長安注引袁
才子曰題駕湖開咏其爲黃皆令詠平夫婿長場議其
天壤王郎之恨比左芬謂貌不如耳張如哉曰王貽上
有觀黃皆令書扇詩次梅村題鴛湖閨咏原韻知的爲
黃皆令作也其詩云歸來堂裏罷愁粧離隱歌成淚數
行才調祇因同銜樂風流底許嫁文鴛蕭蘭宮掖裁新
賦香名飄零失舊章今日貞元搖落客不將巧語惜秋
娘自註云皆令有離隱詩張如哉曰觀離隱詩序固是
自分綦綰者而亦不無非偶之感獨掩羅袂詞微而顯
校阮亭詩有風流未許嫁文鴛句而袁子才亦謂長楊
駁後識其天壤王郎之恨也梅村云黃媛介嘉興良家
女能詩善書其夫楊與公聘後黃不能娶流落吳門娼
介詩名日高有以于金聘爲名門妾者此則長楊執戟
余詩云不知世有杜樊川指其事也按此則長楊執戟
亦用唐人貞女吟良人執戟明光裏耳嘉興李良年有
黃皆令歸吳楊世功索詩送行詩云曾因廬下棲吳市
忽憶藏書過苦耶愁沒鴛鴦湖口月年年相對是天涯
盛名多恐負清閒此去蘭陵好閉關柳絮滿園香茗坑
侍兒添墨寫青山蓋至是楊始克與皆令偕歸而李詩
亦勸其不必再
作浪遊之計也

湖上

西子湖頭千頃春風光不屬去來人朝嵐夕靄誰收得半在
憑欄牛釣綸

哀李貞夫人

以我今時坐知君舊日居簾前數桂樹池畔狎遊魚翠溼千
峯近紅凋萬木疎恐君他日至我已賦歸歟

採菱同祁修嫣湘君趙璧

輕舟放槳喜潺湲碧柳丹楓落日間欲採湖菱愁指滑背人
先自脫金環

舉得菱蓮水濺衣曝時猶得趁斜暉中流不是狂風起應把
全湖盡摘歸

秋夜懷月輝孫夫人

蕭蕭秋聲滿院聞晚風吹盡一天雲滿階落葉蛩鳴後好月

當空疑是君

陸觀蓮

字少君別號雨髮道人嘉善人桐廬父丹生室著詩湖寓園詩草

鵲李詩繫父山人初居吳之專諸塢右後隱震澤之西
草屋蕭蕭烟火時絕誰與少君偕宿皆驚起子訥女
則少君詩成山人驚擊而歌林鳥棲宿皆驚起子訥女
默少君恒授書焉山人有詩曰室中有高士十年樂飢
虛又曰憐渠最幼小賦歲解吟詩蓋自謂也復移住嘉
興盛澤三年最後以避水患隱嘉善蔣湖之西園亦三
年康熙丁未山人將攜家入九峯少君忽病而逝又三
日女默亦逝山人常秋風蕭瑟中夢女爲言大人頃在
舊隱病兒日進湯藥又夢少君曰我母女以好禮斗持
佛號蒙紫府收錄更名女曰瓊真與羣仙遊也少君自
集其近詩曰蔣湖寓園草吳江顧有孝爲序
而題之曰爰氏閨隱集并附其女默之作焉

辰山步虛詞

鬱蕭宴罷列仙歸彩鳳青鸞各自飛敕賜珍珠三百斛滿身
瓔珞遶天衣

爰

默

字齋季小字墨姑嘉善人爰丹生女

兩浙輶軒錄卷四十陸觀蓮爰默

三

樹李詩繫默姑生而奇慧九歲能詩山夫有元旦家集
聯句姑首倡焉山夫好遊獨姑與母居詩益工凡刺繡
刀尺無不入妙習小楷摹畫李龍眠白描大士年十六
未字母死三日姑亦卒所愛管夫人畫竹一幅并文石
子十許枚小白瓷罍二器凡零香斷墨殘繪刺繡山夫
悉納之棺其自跋詩卷云然三歲飄零從二親于外郡
十年夢想思一返于故園蔣湖以避水而來舊廬若無
洋而止老母倚北堂而與歡中夜挾寶瑟以長吟非無
慰藉之詞實多於邑之調長兒笑於鄰女不解看花或
兄請于閨人何知闕艸情由此遺緒以此深矣駕言嘗
秋攜家渡海攬九峯之奇勝傍紫雲台庭專一壑之幽閑
飄飄雲綺綺瑗璫而延佇齊玉軟以上馳曰兄尋
采藥之赤松旦暮可遇爲母爲女盼傳書之青鳥閨閤
非遙爰奉命于慈闈篇分甲乙興流輝於彤管字辨宮
商庶幾染翰而成不須石
墨含毫以待有取香茅

憶震澤西邨

忽忽難忘處西邨明月中荷花低拂露菱葉靜含風烟火經
旬斷音書隔茂通茅堂知在否應有白雲封

辰山步虛詞

閨闔初開黃道邊鳴鐘伐鼓會羣仙多緣悞折瓊枝樹滿下
瑤臺十五年

彭孫婧

字曼如海鹽人孫通姊錦縣知縣陳龍孫室著盤城遊草

夜聞絃索

寒釭挑盡已三更何處歌聲惱客情殘月紙窗眠不穩照人
離恨太分明

天津舟次寄龍孫

憶別三眠柳樹柔長途半載未舒憂何時秉燭西窗話與子
分牋寫舊愁

彭

炎

字幼玉海鹽人琬妹朱化購室

橋李詩繫幼玉詩不多見而名句絡繹王端淑稱其才情兩足似勝姊氏姊惟幽雅妹則英特而博大矣

九日

鳴蟬無話戀寒柯
奈此登高病起何
忙裏不知秋色老
青山紅樹夕陽多

王夢鸞

字仙御號瑯琊女子桐鄉人

鳬亭詩話桐鄉女子王仙御有句云夜靜月明人不見
自家散與自家聽大有孤芳獨賞知己無人之感可謂
善怨者矣

姑蘇楊柳枝詞和汪鈍翁

柳條風靜雨初收
更罷羅衣嬾上樓
花下欲將新月拜
一鈎恰到綠梢頭

偶興

山中古木葉還青
山下漁舟釣晚汀
夜靜月明人不見
自家歌與自家聽

唐元觀

字靜因烏程人沈雲石室

花月

月上東牆花影偏花香月色到簾前捲簾步月穿花逕愛月
憐花人未眠

吳太安人

歸安人沈三曾室著
花夢軒詩詞隨草

陳草曰太安人爲前明御史振綱女家於庚村兩弟琳
岩自崇均以詩鳴太安人所著隨草未刻稿也曾孫鼎
生以稿見示
因錄之

春日同兩大人泛舟夾山潏時桃花初放命賦此

放棹中流隨處泊乘舟一泛碧溪前桃花夾岸紅生浪楊柳
含煙綠到天問渡每驚羣鷺起登山遙與白雲連歸來何處
歌聲急疑是漁郎罷釣還

丁

瑜字靜嫺長興人御史臧
眉錫室著皆綠軒詩

家居

木石風花結四鄰寂寥門巷久無人昔年燕子今重到始信

交情爾獨真

方

景

字彩林山陰人按察使金祖靜母

藝苑名言揚珊之姑方

恭人有示長媳楊珊之姑方
蔡英曰珊珊之姑方彩林沈宗伯別
裁稱其古體宗漢魏近體宗盛唐

示長媳楊珊

十年爲婦蓼莪餘疏水家風樂自如宛似舉場勤苦士粧成

惟對古人書

商

采

字雲衣會稽人商祚孫女同邑諸生羅夢清室著錄尚集

毛奇齡徐都講詩序略曰其後繼起者則昭華與商氏
雲衣而雲衣又中推昭華魯蕙光端然獨存予歸田後
過商和兩家爲之悵然者久之

春日遊西施山

扁舟尋勝地載酒艷陽天山色凝眉黛泉聲咽管絃履痕留
片石舞態散朝烟還共姑蘇月荒臺泣杜鵑

落花

其道韶華上已佳一年生負踏青鞋四垂忽見雲如幕千尺
何妨酒似淮人號可憐偏日暮月如無恨自天涯金衣百轉
含情甚不爲春光善遣排

塞上曲

萬里長雲暗節旄天山秋盡雁飛高風吹塞馬霜蹄疾雪撲
征衣束寶刀

彎弓白羽挂雕鞍醉臥沙場鐵甲寒烽火夜來知有敵一時
齊向月中看

擣衣曲

金井梧飛一葉秋，依依北斗挂南樓。
三秋閨閣砧聲動，八月交河凍不流。

張曼殊

小字阿錢，豐臺花匠女，蕭山毛奇齡妾。

毛奇齡，字曼殊，京師豐臺人。十八歲，歸予，能食貧。人謂之糟糠之妻。既而大歸，至徙居右安門墳園，累病不可解，嘗夢鄰廟阿母嘆之，去乃飾挑，便貌已送廟中。圖其影于幃，而自題之名，留視圖觀者，哀焉。

許宏祜曰：張曼殊因大婦奇妬憂憤而死，年二十四。事詳周蓉湖續長恨詞注。

二怕詩

日色滿窗紅鴛鴦，睡枕同披衣將欲起。
又怕隔簾風，羅帳挂金鈎，熏籠香霧收起來。
紅袖令獨坐，怕梳頭。

戴王萼

字綠華，浙江人。同邑諸生余蔭祖室。

越風，綠華與余君位儼之構，甚為春衫一絕，情見乎詞。

謝外寄春衫

窄袖春衫小樣新勞君遠寄別離身幾回對鏡增長歎不是

當年綺麗人

徐昭華

上歲人微士咸謂女諸暨

西河詩話始亭徐大司馬馬次君仲山內人商夫人女昭

華皆閨秀也仲山唱爲詩西河新句詩令之和之昭華詩

云云又嘗讀余試題余爲示其二擬劉孝標妹贈夫

一賦得拈花如自生卽沈滿願咏步遙句也昭華各有

詩云云又讀試題會昭華畫蝶工甚遂命題畫蝶五絕

限東韻昭華立成詩云云余喜爲和詩云滕王有遺譜

拙之深閨中蓋殺東園蝶翻翻滿綠叢蓋言差時輩也

時余又爲二絕書傳是齋誌欣幸之意一云四十年來

老白鷺新收門下女東成不知書面繖花好試看階前

帶草生又云深堂燭照街扃隔慢新吟畫蝶詩不是

小鬟頻乞試那知問間有時傳和竟至盈卷奴將命者後

張遠首和畫蝶詩韻一時傳和竟至盈卷奴將命者後

仲山以七夕日死余自哭子喪明後不能作哭詩故舊

時哭友詩三百餘首祭文一百餘首一夕焚去以爲學

識未達多此暇卿余集中並無哭友題并祭文一門可

驗也適余昭華以禁日哭父擬木蘭詞寄余余讀之不

覺民下然仍不能作哭詩卽以此存集中當哭仲山作
時正東川司成在坐曰聲調哀苦體致愴惻有汝如此

卽以當本

蘭何過焉

蔡英曰近從張珠山秀才寄徐氏一家言抄本中

載臨華詩因選錄之皆出于徐都講集之外者

贈會稽王中尊夫人

綰綬同來賀監池風流千載令人思
百花滿縣臨金鑑五柳當窗映畫眉
結綺閣中閒咏絮鳴琴臺上共彈絲
新書白練裙邊字盡是金閨黃絹辭

青藤歌

施鄉亭畔古藤樹種藤道士今何處
年年春去春復歸牆頭只見春花飛
鄴架青藤交百尺對此徘徊長歎息
孺子當年獨著書階前帶草今何如
如花徑頻開滿春色一榻重懸待仙
客芳躋藤葉遶池邊片片藤花墜
樹前翠臺半掩秋蛇跡錦

雲時覆雕龍翼亭間采藻挾天來遊人爭上著書臺

登臥龍山懷古

勾踐城頭飛鷗鵠登山一望越連吳雲低北闕春虹斷日落
南溟遠嶠孤時有圖書開絕壁晚來烟火散平蕪當年誰葬
茲山麓不見黃金鑄大夫

織錦詞

當窗夜織未停梭嫋嫋秋風入戶多遊子欲知思婦怨但看
錦上淚如何

送虞英嫂歸諸暨

落盡紅衣蓮子多相看綠水木蘭過曉風不解吹愁去偏送
佳人到苧蘿

蘇

葵

字梅友錢塘人諸生輪女仁和孝廉詩大綸室著春燕閣遺稿

蘇葵

三

吳頴芳春燕閣遺稿序略曰蘇梅友系自武功多出掃
眉之秀歸于太岳今逢集翰之才慧業前修文心獨妙
抽華瑤廟之句冰弦既絕尙遺別鵠之音玉頰雖枯總化
有綴聯之墨胎諸好事可收彤管
題驚之定以公評足繼墨莊之集
之編定以公評足繼墨莊之集
許大綸感舊詩序曰余亡室蘇菜字梅友爲錢塘名宿
月桂先生愛女敏慧工詩詞憶戊寅春余就姻婦家至
已卯秋卽以病歿今于舊篋中檢得婦遺稿手迹
如新讀之悲從中來復追悼成感舊詩七斷句

秋日遊汪氏小園

池館蕭疎藝衆芳參差紅紫弄秋光柔條橫臥芙蓉徑
堦卉低環薜荔牆撫樹幽禽啼恰恰凭欄古桂色蒼蒼
日斜小婢催歸去翠袖猶餘藥草香

秋花

疎疎細雨滴蒼苔庭畔秋花一半開小婢不知人愛惜
亂和枝萼折將來

瓶花

一春長誤看花期，強起尋芳氣力微。昨夜膽瓶開數朵，一雙

蝴蝶遶簾飛。

秋日重過南屏山莊卽事

籃輿得得記春游，重過湖莊又杪秋。無數好山青抱寺，幾株

垂柳綠遮樓。雙松古肖阿羅漢，一塢續如老比丘。清景如斯

殊可戀，夕陽明處少遲留。隣菴羅漢松二株最奇，古近數百年物也。

郭

蕙

字素嫻，仁和人。諸生郭汾女監。

張廷俊曰：素嫻工詩，善畫。家蘇田，題其集有篇篇樓月

與蕊雲風調何會，讓左芬憔悴牛生遺稿散。梨花下

一荒墳之句亦

感慨係之矣。
兩村詩話：牛村室人郭素嫻，善詩對，月句曲沼影搖揚。

澄香閣納涼

涼月無聲似水流坐來自覺景清幽風敲竹戶茶烟細露滴
蓮房暑氣收點硯螢飛憐倦客隔窗蛩語促新秋徘徊永夜
渾忘寐銀漢何勞問女牛

不得遠書夜雨口占

深沈院宇一燈青愁緒渾如醉未醒江上漫思魚有信簷前
翻怪鵲無靈夢回子夜銷紅燭簾捲西風入畫屏正是寂寥
傷景候蕭蕭冷雨透疎櫺

河樓閒眺

浪軟波平雨後天亂蛙鳴處草芊芊一雙燕子歸何早隔岸
人家未起烟

始識閒中畫似年每於飯後抱書眠夢秋天氣松花熟買得

新茶手自煎

楊守闕

字體持海寧人中訥仲女檢討陳世仁室著貯月樓集一卷

俞寶華曰夫人工吟咏早卒貯月樓集女斐刻以傳世後以孫用敷貴贈夫人

新歲闌詞

輕寒料峭弄粧遲新試裙衫問侍兒道罷勝常無一事小梅
花下立多時

金

荷

字品蓮號小紅嘉興人金永成次女

錢仁榮曰金小紅未字天卒

春晴

雨霽開春景風和日正遲持盃花勸酒把管鳥催詩社下燒
錢候麗家上冢時兒童爭折柳遍插一枝枝

楊素英

秀水人文淳第五女山陰錢景超室

烹茶

西風微動逗新涼
活火旋烹雀舌香
鴻雁影來秋露白
重陽節近菊花黃

楊素中

白號青田生秀水人
楊文淳女劉文煌室

習靜

世事原無定何須較短長
忘年惟木石投老有文章
月照松釵瘦風飄桂粟香
望中秋意滿雲水共蒼蒼

東風

梅花雪裏暗生香
修竹扶疎月影長
寄語東風須穩重
莫教輕易到迴廊

馬福娥

號爾齋秀水人沈宏略室善斷釵集

譚李詩繫福娥名室女適禾人沈宏略所居之室福曰
蘭齋因以爲號詩名斷釵集里人王庭俞汝言序之

漫興

風吹滿樹葉蕭蕭睡起珠簾影動搖却怪深閨天易晚藥爐
烟重濕芭蕉

喜雨

曉起日猶赤雲低雨驟來枯池重積水老石更生苔農務多
時苦天心此日回綠窗無一事蕉影亦悠哉

蔣紉蘭

字秋佩嘉善人禮部尚書
錢以塏室著繡餘詩存

錢仁榮曰夫人卒年二
十八累贈一品夫人

春思

斜倚銀屏失曉粧倚欄終日思茫茫閒庭寂靜花無語春晝
渾如別恨長

金淑

字純一號慎史嘉善
人妻縣沈錫章室

兩浙輶軒錄卷四十

楊素中馬履瑞蔣初望金淑

无

題自畫山水

尺素烟霞起孤峯戶外斜隔溪翠微裏知有幾人家

陸素心

號蘭蛇平湖人徐雪廬室

居山和外

林雨霽新綠白雲飛滿庭松聲千樹寂山色一樓青風清多
鮮菜銅坑有茯苓相將對泉石共讀羽人經

嘉興道中

野芳一碧正芊綿三月江南春可憐垂柳空濛晴有絮遠峯
青峭淡無烟夕陽飛鳥亂歸樹春水行船欲上天日暮長亭
晚風急殘紅如雨落尊前

題高晚香畫蝶

金粉飄零夕照寒江村別業路漫漫貞魂化作孤飛燕掠亂

春蕪不忍看

施璫昭

平湖人銓女諸生沈炳孚室

春日送姊

分手河橋淚滿衣
渭城三唱落花飛
那堪堤畔無情柳
搖颺東風送客歸

周

吳

字順吉山陰人仁和諸生沈心室著須曼閣小草

沈德潛曰應吉秋夜聞笛詩通體高明明人中近徐昌谷

秋夜聞笛

今夕是何夕
忽聽蒼龍吟
成連之海上
千載有遺音
窺牖月如水
隔牆風滿林
漏深吹忽斷
不盡故鄉心

劉

煥

字永和號蘭亭山陰人同邑孫周若室

越風蘭亭七律疑兩集中選其工麗其憶外云身是瑤琴心是曲七絃彈盡不成雙可以獨有千古

兩浙輶軒錄

卷四十

陸素心施璫昭同吳劉煥

三

懺堂

語鵲風鈴靜曲廊懺堂有級曳羅裳諸天自散曼陀雨密地
潛燒解脫香疏尾簽名金字細案頭畱供玉釵長刹那亦是
龍華會敢使三生石易忘

題亡姪女引姑遺照

一去芳容恨莫追空畱小影似吟詩可憐寂寂花前月移上

疎簾照阿誰

王德音

山陰人同邑
金岳山室

秋夜過亡姊舊居

夜漏沉沉思悄然水光秋影夢無邊碧欄待月清吟處只有
梧桐似往年

胡雲英

字小霞會稽人山陰趙連
城室有環梅小住遺草

秋夜坐雨答外

誰鼓鼙驚漏暗傳評詩讀畫不成眠一燈聽雨愁如海半榻
分秋夜似年此日尙埋和氏璧幾時先著祖生鞭梧桐窗外
雞聲咽滴破銀壺倍惘然

哭媼女

剪紙招魂去北邙風雨斜燐燐何處火燒出斷腸花

王氏

永嘉人戴大聖室

東甌詩存按溫州府志選貢戴達母王氏年二十守志壽八十餘

書案教子

汝不識父面汝當體母心詩書手澤在何必累千金

蔣永瑞

字含章秀水人伏羌知縣薰曾孫女沈某室著焚餘草

梅里詩輯含章所如不偶年僅三十有六而歿遺稿無多

兩浙輶軒錄

卷四十

清音胡雲英氏蔣永瑞

宋文鑑曰蔣永瑞據錢仁榮選錄本作
蔣永瑞未知孰是今姑從梅里詩輯

贈許夫人

何意名姝在比鄰
丰規林下淨無塵
直將天上青雲客
降作閨中白玉人

梅影

誰道吟梅易
須知繪影難
香心臨月瘦
鐵骨浸波寒
入鏡寒相對
窺窗雪未殘
江妃靈乍返
莫作美人看

次韻題松陵女史沈關關繡小書遺照

別館淒淒鎖綠蕪
香銷玉殢慟仙姝
鴛針繡出婷婷影
可有

人來熟畫圖

梁孟昭

字夷素錢塘人
茅九仍家

許宏祥曰梁孟昭爲詩明狀元
茅贊孫九仍室工花鳥小楷

題畫

登樓忽見山頭白，冰筍如鏤挂瑤碧。
曉窗風急喚垂簾，雀喚一聲天地窄。
雪光騁豔，關梅花遜色，輪奐各自誇終日。
費人評品事，腸枯頻喚煮濃茶。

毛

媿

字安芳，錢塘人。先舒女，徐鄴室。著詩與鄴合刻，爲舒好集。

毛先舒舒好集序畧曰：舒好集者，余壻徐子華徵與余女媿之作也。余好詩，媿十餘歲卽從予問詩。余庵之曰此，非汝事媿退，仍竊取古詩觀之。及已嫁歸寧，時復出詩，詩頗有思理，而華徵常客游周晉燕魯間，臨眺感遇亦輒有作。媿常曰：我近四十，乃無子，詩乃我神明爲之。卽我子矣。又嘗問予：可刻否？予曰：可。然須之暮年，積更多，乃刻未遲。今年六月，媿竟病歿，思其平時詩以爲于語，益爲懷酸。華徵又悲其久且散墜也，因便刻之。許宏祚曰：毛媿年十六歸同郡徐鄴，字華徵。媿孝，母病，刲股者三，鄴病又自割臂和藥。

薔薇

滿架薔薇不忍攀，由他閒謝滅紅顏。
東風吹到無人處，暗點

苔痕似泪斑

送夫子華徵之燕

此去金臺春半過先期把酒意如何從今不煮西園笋畱與

君歸看竹多

顧啓坤

字順貞仁和人錢唐徐吳昇室著鳳臺草

落花

花落溪水中水流花不住寄語水中花莫向前村路

陳曉永

字倫光海寧人大學士之孫從女則貢生楊無言室著素賞樓詩稿

落花詩

十六首選四

困倚東風悄悄憂杜鵑聲裏若爲畱別離南浦飄紅淚訣絕東風賦白頭處仲遣姬開後閣季倫看妾墮危樓莫誇三月曾如錦無此繁華無此愁

餐香蠶蛭尙相依知否紅消綠已肥無處不飛寒食近有時
少住暖風微根邊未埽堆偏厚枝上頻刪墮亦希收貯短襟
輕擷去餘香贏得滿羅衣

莫歎來遲空折枝細留小片癰蟲絲如參白社無生偈欲賦
元都重到詩淚灑窮途歸不得魂離深院去何之多情偏泥
多愁我惹鬢沾衣故故隨

生憎二十四番風花信鶯催花事空出處曉寒深淺裏安危
春色去畱中游絲縈繫情難盡飛絮相兼態不同小室却畱
餘艷在膽瓶猶賸一苞紅

徐氏

嘉興人陳
者卿室

錢仁榮曰徐必達孫
女適陳者卿早寡

洗心亭

萬个琅玕寫雨聲洗心亭畔水常清肝腸久已同冰雪只合臨流去濯纓

孫

潮字月波嘉興人吳桂室

登烟雨樓

勝地春逾好遊人興未窮女牆飛絮白沙渚落霞紅
鳥雲天外千家烟樹中不言歸棹晚時復一掀篷

菜花

幾番花信任幽探開遍芳郊著意酣四野雲霞騰几席一天
圖畫繒東南風翻紫陌濃香度日照黃金秀色參釣得魚兒
鮮可食移樽相賞莫嫌貪

花時有菜花魚

程

芬嘉善楓人

遊古沐堂

尚書舊袖認依稀古寺危樓聳翠微最是晚鐘催客擢一堤

芳草帶斜暉

楊珊珊

字佩聲山陰人布衣楊賓

蔡英曰珊珊之姑即方彩林婦與姑俱工詩沈宗伯別
致云姑近儒者歸近書生閨中樂事脩於一家其父楊
賓號大黠山人
康熙中詩人

鄉思樓

旅寓金闕五十秋親年多半老依劉嗟予未識鄉關路廿載

空登鄉思樓

褚

貞

字綉蘭
海寧人

俞寶華曰褚氏爲諸生某之女幼工吟咏既長以所適
非偶賦落花詩數十首自序云歎蠶絲於乍吐身隨轉
而難追悵蠟淚之將枯心
已灰而猶熱亦可悲已

落花詩

兩折隋軒錄

卷四十

孫潮程芬楊珊珊褚貞

煙凝一徑護深紅轉眼飄零悟色空從此香魂歸去好任他

風雨五更中

鴈淑慧

會稽人北籍歲貢生束鹿訓導鴈曰升女同邑諸生章稟室著斷香遺詠

魯會恩傳畧曰淑慧屬氏僑居于燕實會稽人性聰而孝工吟咏多病年十八贅會稽邑生章稟滿之南歸逾年得疾卒

癸卯仲夏自束鹿歸南途次有感

驛路星光淡船窗夜氣涼計程回首處雲樹兩蒼茫

仲夏懷親之作

不語停針有所思蕭蕭荻葦雁書遲神馳京國三千里悶鎖

朝昏十二時

孔傳蓮

桐鄉人統璣女嘉興馮錦鑑室

家狀略曰太恭人系出至聖爲奉化縣訓導鍾璣女歸馮氏陝西宜川縣丞錦鑑室御史浩之母封太安人以

孫應樞官馳贈宜人恭人贈公考少司寇伯陽公初任
陝西長安令康熙己亥春贈公自長安歸里積勞七月
贈公謁選北行旋赴宜川太恭人畱居母家之東園寄
外詩云官居七品佐身落萬山中贈公賑荒受疫成瘡
疾罷任畱滯凡六年乃得歸太恭人盡典衣飾度艱苦
之境後隨舅歷任江南署中乾隆丙辰子浩舉于鄉戊
辰浩成進士入詞館迎太恭人
入都丁丑卒所作詩皆不存稿
幻夢雜記 有序

雍正十年歲在壬子余隨舅大人上江藩署於金陵
署故明中山王府第西偏有瞻園未徧遊也五六月
間大疫余神思沉迷恍然身遊一山峯巒洞壑樓臺
亭檻士女歌吹諸美紛集目不給賞莫知爲何處人
雖多無可詢問有時忽見堂皇崇闢端坐威嚴儀從
滿庭鞭笞叫號又忽遭婢桐花僕栢婦二人見余大
駭叩頭請曰娘何輕身至此此間不論貴賤男女籍

姓名者永不得脫婢輩名已入籍娘尙有好處急急歸母使人覺蓋婢婦已疫死余未知因問前見堂上尊官何人曰卽中山王也日間陽官治事夜分王理陰獄幸毋多言兒浩在書塾余日日至其書窗外潛立聽察其讀某經作某題文或不熟不佳師爲訓責兒晚入臥余詢之無一不符凡諸晉亂迷離若真若妄積旬條忽大聲如霆碎驚悸而醒汗漬牀褥病減人半漸就痊追憶了了勉成絕句不足形容其十一也

忽驚呼嘯出堂皇昏黑中騰引炬光柱國閭羅原一體前朝甲第大功坊

依依奴婢路岐逢涕泣推扶勸返蹤此處絕無娘姓氏休教

遲及五更鐘

周志蕙

字解蘇陳仲衡室元

周雷序畧曰予向年讀書宜園解蘇方六歲每向予問字婉孌解人子謂行溪弟此女聰穎不凡勿輕字人既及笄歸陳子仲衡蘇杭兩弟間隔常苦不得見今予已衰老乃獲覩其近所作詩琴瑟靜好倡子和女尤爲人生至樂因思子次女本慧幼年亦能詩及歸宋門其姑璋或以婦職以詩爲諱可見人生境遇不一予不特喜解蘇之才而遇且幸解蘇之遇

碧石泉之祖母夫人爲毀撰雨甘先生之女吾友陳景福碧軒詩則爲石泉所手錄哀入陳氏家集者因得盡讀之欣喜過望檢沈宗伯所選別裁僅一首甚不見所長益喜得見全稿爲尤幸也

送西坪叔父之新野

芸窗少日共吟秋無那頻年賦遠遊幾度柳梅成別恨一春驚燕又離愁江行旭日銜舟尾驛路青山戀馬頭此去湍陽

莫畱滯白河春水好回舟

無寐

夜靜樓高夜更清銅壺滴盡夢難成每因却病求仙術無計
驅愁仗酒兵窗破月來千點白燈殘風弄一絲明半宵轉覺
驚心悸漫聽鄰雞枕上聲

除夕

幾月辭家思不窮韶光暗度逐東風一年病骨逢春健五十
衰顏借酒紅華髮漸添明鏡裏萊衣爭舞綺筵中椒盤映燭
催殘臘守歲藏鈎有阿戎

余自乙卯秋僑居武林每念故宅不能無感

故園一別幾經秋每見黃花感客愁空有寒蛩吟仄徑更無
長笛倚高樓飄零直似辭巢燕浪跡應同逐海鷗願得幽居

如仲蔚蓬蒿三尺亦何

吳受竹

長興人著萬卷樓詩鈔

汪淮曰萬卷樓詩鈔刻本但稱爲吳興吳受竹著不知其名且未詳其里居集中有寄外一詩稱奉徽江右不許爲何人之室所作

何官姑存以俟攷
蘇端曰詩集聊城鄧汝功作序稱爲師母汝功乃少宗伯鍾岳子

故明宮詞

瓊樓十二浸涼波枕上秋風斂翠蛾
隔院忽聞天樂近玉簫吹處月明多

采樂中高麗進四妃櫺貴妃尤美艷善吹簫最見寵幸

雲鬟不整玉容愁再拜重華卻蹇修
銷盡蛾眉無限妬世間復有女巢由

長陵仁孝徐后薨聞其妹妙錦美而賢使持節聘之以病固辭宣德間張太后延至宮中朝見

爭美曰是薄皇后而不爲者

雲在瑤階月在池藕花香裏寫烏絲深宮只奏南薰曲不似

兩浙輶軒錄

卷四十

吳受竹

美

驪山避暑時

獻陵嘗於池亭納涼彈琴賦詩有風送藕花香句

水晶簾捲月黃昏蟋蟀秋聲徹禁垣闌罷每邀天一笑朝來

分賜小雕盆

景陵有御用錢金蟋蟀盆宮中俱闕蟋蟀戲

西風瘦影銅長門一片寒砧欲斷魂聞道貴人曾賜死始知

憔悴是君恩

德陵成妃李氏客魏矯旨革封

朔風獵獵響寒空衰草黃雲入夢中料得君王眠罷帳繫腰

猶憶玉玲瓏

裕陵既復辟當人內帑檢放物問太監劉恒日記有玉玲瓏繫腰今何在

幸車深夜出重門悵悵微吟達至尊三十六宮寒月白一篇

紅藥獨承恩

成化中選掌禮嬪妃時邵貴妃應選託疾居外宮偶夜坐自吟所製紅藥詩茂陵攜之遂召幸

深閉堯門獨影哀玉階春盡長青苔無情鸚鵡雙棲處天語

香浮潋灩杯

茂陵紀貴妃爲萬妃所構謫居安樂堂卽誕孝宗處也茂陵有鸚鵡啄金杯上刻亦鸚鵡雀

各二櫻桃十六顆是時前星本祥義取四妃十六子也

重重魚鱗鎖黃昏舊枕珊瑚總淚痕寄語江南紅粉女莫將

玉貌丐君恩

邵妃於嘉靖中尊爲壽安皇太后命選女入宮母下江南

碧檻紅欄十二重羅衣繡帶盡當風由來天上無人地何事

隄防問守宮

秦陵試守宮論沈瓊蓮稱旨擢第一

曹氏

自號虛全子秀水人

錢仁榮曰虛全子許字姚鼎黃夫凶矢志守貞

紙薦

巧製霜藤出化工好乘春暖度晴空幾番搖曳因風勢一片
光輝借日紅輕薄未隨雲影散浮華恐逐雨聲終浪傳香壤
身高致猶在兒童掌握中

項

佩

字吹聆秀水人吳統持室

送外

已識風塵苦經春又別離釣船迎水去無處不牽絲

徐氏

秀水人

錢仁榮曰徐氏許字沈氏未婚聞夫訃者馳哭靈右守節五十年

題夫遺照

百歲相依紙上身仰瞻幾度泪紛紜詩狂未獲生前見書癖還從死後聞樹外寒鴉翻落照樓頭秋雁叫孤雲一絲早繫網常重應許孤魂傍土墳

戴素蟾

字月卿號翠蟾內史嘉善人吳江宋景和室

胥江八景

選二

寒夜敲鐘動曉星上方清韻落烟汀幾人塵夢能驚破只恐

朝朝夢裏聽

德院晨鐘

愁捲江清雪作堆漁燈點點傍溪隈蘆中窮士知多少却有

何人物色來

胥江漁泊

葉

定

字帶華秀水人許殷芳室

蘆花鞋步韻

煖於柳絮軟於麻湯把遊山謝屐誇經緯有紋仍似浪針工
雖巧莫添花履霜堪謔陽春曲渡海何勞奉使槎從此秋風
飄不得祇借鳬鳥入雲霞

徐

錦

字珠村秀水人海鹽諸生朱辰應室著紅餘小草

朱辰應行述畧曰妻徐氏少好文史年二十一歸子會
子女弟將嫁妻以己所有佐奩具予常館於外家惟一
被擣以去至冬妻擁敗絮有覆無薦每日之夕伺兒女
熟睡即篝燈操作漏三鼓藏火潛滅兩齒相搏死於衣
聲則繞室環走令媛氣自內出卽又操作如故旣解衣
兒女體若冰及哺以乳輒惡嘔以故兒女多不能長養
而妻亦以此得疾嗚呼妻之死不死於病而死於貧頓
頓拂鬱有不忍言者徐氏世爲嘉禾右族予嘗文其曾
王父孝端先生臺所謂忠孝文章萃于是父是
子者也生四子今惟一存有紅餘小草一卷

送春

日長深院繡簾閒，忍見殘紅滿地斑。
粉蝶黃鶯留不住，畫闌咫尺是陽關。

卽事

老屋寒多況雪霜，菊花猶自抱秋香。
疎籬寂靜蟲聲杳，僻徑蕭條草色黃。
剩有西風翻亂帙，還留夜月照空梁。
駒光荏苒心期永，忍凍孤吟刻漏長。

梅麗春

字玉英石門人

采菱歌次韻

一鏡光搖映面浮，隨他隣女盪涼秋。
白蘋風急鴛鴦冷，不及蓮花有並頭。

陸

言

字鸞仙平湖人國學陸長女貢生沈季友室

橋李詩繫予婦陸喬入閭學雅平公長女也年十七歸予承敬執勞靡有倦節繼以羣侮交作孤苦焚焚有臥薪嘗膽之樂稍嫺文墨以非婦道之常偶吟而已予嘗宿天姥峯下夢一嫺曰汝前身白鶴童子汝婦則綠鸛僊也遂占一詩曰皆隱何年志頗同前身忘却俗緣中夜來天姥渾猶著是綠鸛仙白鶴童因名言字對仙云咏丁香

小院沈沈欲暮天閒階獨步影娟娟驚看密葉添青色却愛繁花吐紫烟拂檻叢叢疑線綰映簾叢叢借絲纏愁心欲訴花先結可惜重來二十年

李貞媛

字叔雲平湖
人陸南香室

菊江晚眺

一幅丹青入望中著霜楓樹點輕紅平江雁寫行行字隔浦帆飛葉葉風黯淡纖雲斜落照微茫寒月挂疎桐詩人莫倚秋光好蕭颯商飈萬木空

兩折墮肝錄

卷四十

梅麗春隱言李貞媛

完

屈鳳輝

字梧清平湖人舉人胡之垣室

人日喜晴

碧海起朝暎靈辰絕雨痕年光猶臘尾生意動天根玉蝶蹂
舒萼紅螺酒滿樽草堂吟味後春色爛平園

劉淑慧

字守拙山陰人澄海知縣德基女福州同知魯楷室著芝雨堂稿

焚香

清畫焚香翠幕籠靜窺色相悟無窮暫雨裊裊春烟碧漸化
星星劫火紅一縷入雲原不幻數層浮靄已成空箇中誰識
真消息滿室氤氲付晚風

胡

蓮

字茂生天台人著涉江集

東園春集

得遂探幽計閒雲襯屐飛花香雜鳥韻苔翠亂人衣醉眼看

誰是狂歌覺我非班荆頻未厭相對坐餘輝

陳氏

天台人收縣知縣溥女諸生齊重光室著斷腸集

陳埯曰陳氏早寡所著斷腸集猶子召南爲序

追悼亡夫

江雲慘淡黥朝昏妾淚絲絲袂有痕五夜陰風悲落葉千山
秋雨聽啼猿淒涼架上珊瑚筆惆悵窗前鸚鵡尊聊寫梅花
和月影仗他香魄弔靈魂

徐

源

字方白號水谷嘉興人

錢仁榮曰水谷字沈某未于歸而沈卒矣志茹荼數十年如一日

采芝山人招遊某氏園

元絲不可染薄命不可移撫心出門去歸時仍傷悲山人特

相念挈遊錦水湄

園後有名園巧營構彷彿瀛洲奇峰巒競

兩浙贈軒錄

卷四十

屈鳳輝劉淑慧胡蓮陳氏徐源

罕

俛仰亭榭互參差石榴照簷楹芍藥擁堦墀穿雲招舞鶴踐
花走驚麋惟時方初夏綠陰逗微颺滄苔其庶唱不覺心神
怡

吳

黃字文裳嘉善人蓮
庵女孝廉錢拭室

錢仁榮曰文裳善丹青
孝廉卽世矢志柏舟

山居

我愛山居好山花足賞心綠雲連野徑紅雨點芳林桂老巖
堆粟籬疎菊滲金幽人淡無事趺坐對瑤琴

聞

璞字楚璞石門
人同譽彥女

錢仁榮曰楚璞在室
奉養父母矢志不嫁

雨晴

雨過蒼苔潤新晴院宇涼露濃秋草瘦風定桂花香倚檻揮

團扇吟詩對夕陽遺懷時小憩行坐愛幽篁

程氏

永康人徐琮室
著燕玉樓稿

南邨

無端邨落久獨棲
睡起紗窗日影西
正在思歸歸不得
晚風竹裏鷓鴣啼

周秀翁

平陽金壁英
室著香閨集

七夕乞巧

但得隨夫壻無須巧
許多天孫工織錦
夜夜隔銀河

新月

乍捲蝦鬚起銀鉤
挂碧空佳人歎下拜
樓烏尙疑弓

詠斑竹

淚染湘江竹斑痕尙未消
恨隨流水去應不到今朝

李

檀

自號梅里女史嘉興人太守宗渭女觀察高衡室著生香樂意齋集

黃夫人招飲黃雪山莊

名園傍水絕塵喧地主招尋與自偏金粟芳菲初拂座青樽
傾瀉却如泉雲橫岫影當窗見簾捲秋光入畫妍更有西湖
佳約在便應同泛木蘭船

孔繼

字德隱桐鄉人烏程夏祖勤室

白秋海棠

慣向西風展素粧亭亭小立玉階旁柔枝合綴湘妃佩弱質
羞熏賈女香月底朦朧迷蝶夢雨中寂寞斷人腸更憐零落
深秋裏幾處殘釵傷夕陽

孔繼

字瑞圃桐鄉人進士傳忠女沈廷光室

錢仁榮曰瑞圃善書工畫

戴璐曰太恭人爲余同年沈觀

察敗震母早年茶苦晚福頗崇

吳興詩話余與青齋同年升堂拜母曾見受封有句云

賜錦初披新機紫遺璫莫忘昔時青余祝七十壽詩云

叔菊流芬頌藝林板輿花下富清吟早貽詩禮傳家

學海惻平反識母心時青齋官刑曹母讀之擊節

遊大明湖

大明湖景似蘇堤也向熏風策杖蔡歷下亭環流水曲曾波
樓遠遠山齊香飄花浦蓮初放歌入蘆洲舫又迷一抹烟雲
催夕照回看月掛柳梢西

姚世鑑

字金心歸安人王豫室

臥病

臥病逾時歲又新衡門兩板絕霽塵垂簾怕放東風入春到
貧家不當春

王氏

德清人適陳氏著止齋集

許宏祥曰王氏
爲陳尙古母

碧浪湖

浮玉雲根出寒塘水自流空山聞獨鳥落日見清秋天末孤
帆動松間一磬幽親知何日見定向此中遊

吳

吳字道炯嘉興人太學生
鄭詩室著聽鴻樓詩集

梅里詩輯道炯詩和雅莊重如其爲人故有林下風致
不徒無脂粉氣已也當與鄭貞懿蕭集方孟旋劉蘭
閣集並駕齊驅哭母一篇凡一千四百
六十字在開閣中直欲橫絕古今矣

次韻和外暮尋山寺之作

三吳喪乍返新句出宵燈雲壑雙峯屐襟懷六月冰寺尋堪
憩處山間最高層人說都官好吟詩慣及僧

湖心亭

覽勝來亭上超然境別成曉雲穿棟出春水與堦平烟草沿

孤嶼湖山露半城，恰念停櫂久臨眺，不勝情。

接兩大人遠書喜又得二弟并寄湘蓮

明珠此日獲雙圓，奕葉梁書幸有傳。迢遞池塘佳夢隔，參差雁翼幾時連。書來隔舍蟾三五，果賜闌房路四千。想見欲歸歸未得，苦心一點託湘蓮。

過南村舊廬感作

三湘何日放歸舟，頭白關河未息遊。寂寞梅花溪上屋，絕憐春到亦如秋。

武林舟次

二月乘舟鏡裏行，蒲帆十幅趁風輕。水窗忽轉春江曲，無數青山隔岸生。

癸丑秋陳妾得舉一子時堉年四旬矣誌喜

窮薄還憑世澤存朝來弧矢喜懸門翻嗟姑舅先朝露未得生前一弄孫

鮑

詩字令暉平湖
人張雲錦室

杏花

蠟粉牆頭乍見時輕舒笑靨淡胭脂小樓影裏停遊轡橫笛聲中認酒旗上苑和風誇宴早江南細雨憶歸遲寫生最愛休承筆一燕新飛花滿枝

弄珠樓吟

湘簾試捲認微茫磨洗青銅待晚粧還是珠來還是月一湖秋水弄寒光

金士珊

字雪莊錢塘人金德麟
女王涵世室著紅餘草

金姓序畧曰女兄幼時吾母課以詩至竹爐湯沸火初紅句笑請曰湯已沸矣火初紅耶母異之教以作詩法

遂工詩兼善繪與姊
瑤陶軒倡和相得

夜坐

雨過虛堂夜色涼
爐香茗椀伴更長
風翻荷蓋珠傾沼
月上簾旌粉映廊
行藻乍疑浮曲砌
松篁恰喜蔭匡牀
良宵暫得忘憂坐
偏值兒來問字忙

暮春閒詠

細雨初晴蛺蝶飛
閒庭草色綠依依
小園昨夜東風惡
吹盡梨花作地衣

烟柳青青綠漸添
因憐花事鎖眉尖
東風也似知人意
爲捲殘英入繡簾

南樓納涼

梅雨初晴日正長
新桐深處聽鳴螳
南樓閒却蒲葵扇
自有

涼風到竹牀

春盡日家大人園中作

陰陰綠竹午風微小憩園林暫息機蝴蝶不知春欲去一雙
猶傍菊欄飛

秋夜

一夕西風柳葉黃枝枝離菊帶輕霜絮衣未補勞蛩語旅客
衣衾尚薄裝

苦雨有懷

愁聽蕭蕭夜雨聲閒房欲枕待雞鳴秦關復隔無消息數盡
殘更夢不成

韓寶錮

字淑婉又字隱香漢軍正藍
旗人仁和縣人曾祖某家於遼水父諱肅知南瀝縣

周慶承曰韓猶人會祖某家於遼水父諱肅知南瀝縣
時翁我洲觀察知臨人賢聘爲從姪光緒室乾隆甲子

光祿登賢書乙丑取明通寓居京邸尋丁父憂未服闋而歿時孺人未于歸聞凶問卽絕粒誓不獨生父母允其守志卒歸于翁以弟光進子叙爲嗣孺人人工詩文能訓迪後人翁氏至今稱賢母

清明

兔走烏飛真迅速中和節過清明促家家爨下盡虛烟處處
插門楊柳綠追思去歲遇良辰珠圍翠繞披華服笑攜姊妹
比花枝猶道人妍桃李俗豈知今歲至清明惟將淚滴湘妃
竹痛君空讀五車書痛君枉負三冬足妾身不及嶺頭猿妾
身不及峯前鹿嶺猿峯鹿伴君靈妾身猶是居華屋寸心豈
忍君獨孤此身亦願歸空谷妾之生死有何難惟恐君心非
所欲姑孀弟弱未宜家妾亡誰報親恩育妾家慈父惜兒深
二十餘春似珍玉從來百行孝爲先戒心自把冰淵讀偷生
強戲博親歡暗裏心灰似槁木心灰然盡豈能長芳魂終向

黃泉宿雖然世上撇天倫九原亦有親骨月君容不識識慈
親母女恩情重再續淒淒愿作夜臺魂茫茫不計人間祿囑
語嚴君弟與兄他年莫向吾靈哭若嗟薄命天青年早成鴛
緣吾之福世人道吾生無榮我自思之死無辱微軀奚惜掩
黃沙姓氏堪畱青史錄

孫孺人

仁和人
適翁氏

視履兩兒遠歸旬日各有吳越之行悵然賦此

誰堪死別又生離浙水吳山望欲迷兩地雁行雲際對一聲
鵲鵲夜分啼柏舟底用呼天只萱草何由告伯兮好語弟
各努力連翩藝苑待名齊

陸

雲

字衡農海鹽人陸
時明女沈勣垣室

挑燈杖次韻

物微不可輕樂與長宵共銀缸耿素壁顯晦由操縱吾人之
所須纖屑亦資用返景薄虞泉燃燈破昏霧曾佐二女績又
益三餘誦蘭膏或黯淡有恃而無恐名分太乙藜功爲操觚
重殷勤藉斯杖繼晷勿蔽壅

吳

瑛

字若華平湖人吏部侍郎
開爵女屈恬波室

秋夜

閒對幽蘭遺素懷流螢飛上鳳凰釵沈沈深院更初永坐聽
蟲鳴滿玉階

倪夢庚

字蓮仙平湖人諸生屑耀
龍母著有聽松書屋詩草

思家

親舍遙遙雲樹遮宵來惟有夢還家頻嗟雁斷鄉書杳淚灑
窗前姊妹花

張

垆

字素瞿
桐鄉人

夏柳次韻

長條觸熱舞輕絲
春去還榮舊日思
上苑影濃鶯罷織
章臺花落馬空馳
薰風低拂魂消處
涼雨橫拖夢醒時
好句依依堪覆咏
妍詞豈是逞丰姿

金

順

字德人太倉人烏程中書
汪曾裕室著傳書樓詩稿

定香亭筆談余采傳書樓詩入輜軒錄并題一絕云苔
上輜軒雨度過栢丹詩句未銷磨孤兒手抱殘編哭爲
是行間淚字多

母氏忌日

惻惻心猶痛
潸潸淚欲枯
呼天終莫及
生女不如無
泉下魂
憐隻堂前影
弔孤何年能反哺
忍聽夜啼烏

秋夜懷姊氏

空聞聞落葉天地入秋深況乃中宵雨因之遠別心漏長孤
夢杳江闊短書沈忽聽南征雁離羣感自今

寄夫子都門

西風江上急秋砧手製征衣入夜深漬有淚痕休浣去相看
猶見別時心

孤雁

一點秋雲外飄零事已非閨中驚落葉江上搗征衣風折行
偏斷天高響漸稀惟知恩義重誓不作雙飛

送夫子省試

又是槐黃候扁舟赴棘闈鯉將衝浪湧鵬欲破雲飛白髮心
殊切青燈願豈違衡文清慎地未必竟知希

送南州姑氏回清溪

歛住真無計愁聽折柳辭背人含淚眼屈指問歸期筆墨憐
同志心情託素知一帆溪上去百里亦天涯

姚益敬

字元吉歸安人
世鍾女進士

吳興詩話姚元吉幼誦木蘭詩問父曰朔氣傳金柝寒
光照鐵衣著色大雅若鋪排過多恐近小說父大奇之
故哭女詩有云十歲言詩有性靈木蘭愛說替爺征黃
泉不是黃河水問否耶娘喚改聲厲樊榭序芬陀利居
稿以歐陽公目謝希孟有
古幽閒淑淑之風爲此

力疾作書寄外因題紙尾

尺素題初罷輕羅淚未乾離愁不堪寄聊復報平安

偕三孀母夜繡

愁寂深閨夜向闌繡牀坐對一燈殘頻添綵線知宵永漸澀
金針蠶指寒楚楚花枝香滿袖娟娟霜月正當欄幾回欲罷
還相語畫短工夫似較難

李美儀

附錄人著詩

和大人草堂課耕韻

東舍幽棲處柴門接野田一春滋草徑三月釀花天林雀喧
晨籬鄰雞報午烟頻年收穫好膝下得歡然

朱氏

送昌人霞女諸生俞長發室

陳世修曰朱氏生而慧兄弟羣從皆擅詩名氏亦間學吟詠不假雕繪自然有林下風致長適邑士俞長發不數載而長發早世遺子琮甫四齡氏撫孤持家有健婦

天子詔民間舉婦人守貞歷三十年者悉以聞咸欲擢氏

實事以應氏問而數日守貞婦人分內事也生而望旌

是近名矣遂弗舉子琮補博士弟子員讀書昌山義塾

塾師毛桓俞氏姻戚也余方琮錄半昌詩鈔毛生雅知

氏能詩向琮索其蘭琮泣曰自父亡母即屏棄筆硯詩

草亦皆焚去比琮有知識竊聞而能記誦者才十餘首

耳余亟命琮手錄之氏又有怨蒼天一詞云怨蒼天昔

年何不共歸泉寬無計到君前孤兒弱息痛絕

兩浙情軒錄

卷四十

姚益秋李美儀朱氏

哭

春景

春山一桁水平池寂寂閒庭燕到遲小立不知天欲暝月鉤

斜挂海棠枝

梁

瑛

字梅君錢唐人節婦女黃

錢大所傳略曰梅君處士師燧之女也望錢唐黃松石
先生賢而有文事兩世姑能得其歡課諸子萬卷樓中
一燈熒熒輒至達旦好吟詠而集句詩尤工曾刻入太
雅集松石先生之捐館也宜人手撰行狀數千言委曲
真摯門人故友見者咸開筆晚歲以子易官山左因就
養焉年逾八十神明不衰嘗語子易曰吾家自少參公
後莖仕者唯汝一人此汝父積
善所致慎無忘清白家風也
唐建中文字字香序略曰萬林黃氏貞石先生至松石六
世世有文人所少松石兩娶皆才梁夫人梅君有梅癖
秀爲海內所少松石兩娶皆才梁夫人梅君有梅癖
華詩屋三楹手輯古今人集古詩千餘首書之於
壁無梅時從壁間觀之目爲女中逵
仙亦好自集古人詠梅句子成此一帙

梅花古集

年年覓句爲花忙幾度巡簷費品量句似梅花花似句一番吟過一番香

玉照樓下早起

自掩屏風護曉寒飢來忍把落英餐門前流水清如鏡花似垂頭照影看

檢校先大父松森先生玉照堂遺稿

清白比來誰見賞遺編猶作舊時香傷心玉照堂前月徒洒春風淚數行

杭

澄字清之號筠圃晚號定水老人仁和人世

臥雪軒集自序略曰余不知詩何敢言詩第以一生境遇賦軻涉歷危險其憂思抑鬱疾病悲哀之光無可告

語爰不得已而形諸楮墨聊以抒寫性

情陳述志意存之篋中以誌苦心耳

杭世駿亡妹吟草序略曰妹甫毀齒卽知嚮學聞弱弟

誦讀經書則默記試效其聲以識字稍長效余爲制舉

兩浙輶軒錄卷四十

梁瑛杭澄

吳

名

之文旋棄去壹意爲詩風格蒼樸無脂韋之習無金粉
之氣歸於趙登曰萬眼聳以几案才參人幕事恒他出
青煙苦雨望遠懷人皆妹贊眉覓句時也余赴
後隨萬暇起新河轉客廨都萬暇以病疾卒於官舍外
一少婢一老僕遞其棺以歸里里難險匪備膏次依
母以居驚魂稍定余被放還川舊居不足容石友方
君潯山刺宅讓余潯山有女芳佩無虛日家有女甥女姪
來省母輒用見歡甚自是唱酬無虛日家有女甥女姪
妹親指授詩律俄而兩母棄養芳佩從其畧汪新遠宦
京師甥姪漸次出閣益復
無暇病不可藥卒於吾家
隨閣詩話杭州方夫人莊齋適江又新太史有在璞草
堂集一時倡和者許太夫人而外抗董浦之妹清之嫁
趙萬暇寡居守志有句云盡日支牀深擲被不知戶
外幾峯古同能詩女子方榮貴而祝親辛何耶
碧谿詩話定水老人爲草浦太史妹吾宗根石母吳太
孺人其甥女也故詩集爲根石鈔藏今臥雪軒吟草
夫人選刻一卷題曰吟草偶存其伏枕吟仍爲根石所
藏根石作令天長將謀出清俸爲合刻之庶幾老人一
生辛苦藥
以不我

夫子寄小照索題余以巾幘將意作小句角之

終日念遠人終年不相見鴻雁從南來因風寄婉孌盟沐捧
瑤函焚香開畫卷却喜尺幅中容易得覲面婦職侍巾櫛路
遙慚莫踐巾帨聊寄將先以表悃悃

端午書事

今日是端午興致何寥泚爨烟冷不炊却疑是寒食時俗競
所尚菖蒲雜艾木桃虎懸當門彩縷五色綴獨坐絨尺素深
情托鴻翼幽懷念遠人悄然心倍切境闕塵務蠲詩書藉怡
悅相對古人篇名言罪玉屑觸事偶得句聊以酬佳節

女貞木歌爲老婢秋葵作

後庭一株女貞木根節虬蟠葉樸樸雨露栽培近百年輪囷
偃蹇忘榮辱勁節難容蟲蟻侵蒼枝寧許鴉鵲宿恥與凡材
弱植林參天喬蔭成孤獨暄寒歷盡飽風霜柯葉依然舊時

緣今年老幹忽枯槁奄然摧折隕空谷主人悼惜長太息嘆
嗟未已歌相續君不見天天灼灼桃李花爭妍遂艷逞榮華
弱質隨春幾朝暮飄零一旦委泥沙又不見松柏青青貴標
格孤潔之才誰可匹比堅鐵石心不移顏色菁葱如一日鳴
呼噫嘻此木亦眇乎小爾乃其志意矯矯侔松柏而輕桃李
我欲問木木何知木自安其本性耳全形蛻質盡天年守機
還淳邈太始

辛未五十悲吟

十載傷心淚何曾一日乾老深無後痛貧覺立孤難寂寂墓
門草深深得井瀾此身原已死休作未亡看

猶子深兒

深子纔周晬雙瞳秀有神懷中覓梨栗膝上看麒麟學語如

啼鳥呼名解應人青雲他日路待汝一朝伸

戊申春日寄懷湛堂

晴烟漠漠柳絲絲腸斷春江欲別時千里相思兩行淚三年
光景幾篇詩生涯似兔初營窟蹤跡如蟬不定枝却怪天涯
久畱滯何年得遂鹿門期

春雨有懷

耐寒未卸木棉裘怪底深春似晚秋滴我庭階一夜雨憐君
湖海數年遊頻傳鄉信勞黃耳幾度歸帆阻石尤試看天涯
芳草色旅人何處不生愁

靜遠堂後庭小梅欲放余明日行矣詩以誌別

數枝冷落傍東牆疎影離離對夕陽紫萼含苞初識面綠英
垂蕊未舒香爭妍原自輕桃李耐冷何曾畏雪霜我欲明春

與花約花須遲我更傳觴

秋日感懷

深閨事事總堪憐中饋蹉跎負昔年明鏡數看朝有淚寒燈
照別夜無眠鬢間霜雪隨愁長身外炎涼逐境遷百慮徒教
心力盡思量何計可回天

病中偶作

經年時與病相親塵世翻嫌有此身心向泉臺原已死志存
宗祀強依人垂簾一任花開落伏枕安知節過春四大本空
俱幻相却于何處認吾真

周氏

仁和沈心室

沈心室孤石山房詩是女史李倩在西湖百味樓謝陳紹
嘉棹三首其末云碧舫閒吟往晴空溪山如畫恨難
窮自謝坎白曾沾夢遺草劍存故篋中
自注云沈室周氏自詩草迄今未刻

冬日寄家書一絕

一片斜陽映小樓
蘂砧南望思悠悠
凭闌唱斷長干曲
聚首何時不自由

袁

機

字素文仁和人江寧知縣枚妹

汪淮曰機幼許字如皋高氏子後高以子有惡病願離
婚機言女從一者也疾我侍之死我守之卒適高氏
居此傷傾奮具爲狎邪費不足扑扶交下甚至以火燒
均之姑救之毆母折齒既欲鬻妻以償博者不得已始
歸母家齊素衣孝養母氏高氏子死哭泣盡哀越
一年亦死篋笥中有手編列女傳三卷詩一卷

有感

有鳳荒山老桐花不復春
死還憐弱女生已作陳人
鏗影三更夢墨花頃刻身
何如蜩與鷺鳴噪得天真

聞雁

秋聲霜氣重孤雁最先鳴
響入空闌靜心憐永夜清
自從成

兩浙輟軒錄

卷四十

周氏袁機

三

隻影同是感離情誰許並高節寒林有女貞

王

氏海寧人錢塘洪某室洪守純母

洪守純序遺詩畧曰先妣太孺人爲鹽官望族守純髫齡就學先外王母告曰汝母幼年喜讀書九歲時爾外祖沒能吟哀痛之詩尊長咸奇之嗣與祖姑諧嬉兄叔時爲討論我以閨門不宜溺於文事當以女丁爲重常阻止之汝母勉從然時背我挑燈研究其好學如此汝今益宜勤學守純謹職之迨守純稍有知識見先慈墳處困貧毫無怨色日以詩書自娛而紡織針黹夜以繼日不辭勞瘁先嚴遠館親課守純經書指授意義歲辛未春秋四十因外王母茹素遂同長齋從弟欲延課其女姪母往就之守純亦隨侍焉已卯夏巡撫移駐海昌而諭令君儒學諸公訪延女傅譯其女時王族弟姪牛在諸生之列受學師命請母諾之巡憲覺羅永夫人深加優禮師弟亦相得庚辰歲暮司庖失檢素饌染腥遂動歸輿明年以母疾爲辭四月復進署主賓師弟留連終日賦詩而別執意竟成絕筆春秋五十有一自辛未至庚辰歲存一百餘首守純珍藏之思慕之時卽爲展誦誼意離光一照同化劫戾守純不忍竟俾湮沒以平時誦讀記憶者錄存數十首併述其畧識之

閣中晚眺

映水明霞檻下生，數聲清笛動江城。
侵池眠柳枝枝倒，截嶺歸雲片片橫。

初夏即景

四月春歸興轉非，琴書獨對掩柴扉。
籠烟翠柳辭金色，著雨新簾御舊衣。
雲自無心緣岫去，燕猶有意繞簾飛。
閒身不識蠶桑事，一枕清歌酒力微。

閔懷英

字晚餘，號蘭軒，錢唐人。昌化。

應學韞猗香樓吟稿序畧曰：同里方晚餘夫人，事舅姑及父母，皆以孝聞。爲吾鄉閭範，善本書，插架萬卷，窮治者廿餘年，有所觸撥輒發爲詩。歌故能洗盡鉛華，獨存至性。方帖俊，跋騎香樓吟稿畧曰：內人耽經史，喜文章，尤以詩爲最，體弱多病，城紉外無愜意者，復肆力於詩，數十年來，積累成帙，暮年與珏樓應夫人爲閨中知己，倡和成集，有蘭軒吟稿、騎香樓、艮屋、曉餘小草，自適齋集俱藏于家。

舅母偕往徐村掃外祖母墓兼游六和塔理安寺

春郊掃墓出城東風靜雲天日色融
原草盡鋪鸚鵡綠山花齊放杜鵑紅
縱觀寶塔浮圖麗謾扣禪關法境空
花鳥留人猶未倦殘陽漠漠月朧朧

途中卽事

舟渡餘杭雨霽天山村日落起炊煙
沙鷗撲鹿忽驚起處處橫塘開白蓮

過餘杭

平川漠漠盡桑麻古道無門問落花
經過前王舊錦里碑亭荒冷集寒鴉

過武肅故里

顏晚思

字宛在桐鄉人佩芳妹

錢仁榮曰顏晚思道異典其生不慧早卒王若叔稱其詩蒼老重異識度宏遠以去近日踐選

絕句

秋入重門夜似年
麝蘭香燼不成眠
梧窗坐聽蕭蕭雨
挑盡殘燈獨黯然

黛痕消滅兩眉峯
強起臨妝意已慵
對鏡自疑非似我
可能描取舊時容

陳瓊圃

字問真仁和人歸安諸生費錫田室著紅餘草

施汝謙曰女士陳氏半江太守女母戴韋韞玉著西齋詩稿女士歸于費爲四川廉使雲軒先生幼習經史工吟咏兼善畫夫歿誓以死殉卒年二十有九

自題山水畫冊

路轉千峯一逕斜
煙霞深鎖野人家
春來更有幽棲處
閒遍東風枳殼花

家住江南楊柳灣
一蓑烟雨打魚還
數聲蘆笛秋風暮
飽看青溪兩岸山

兼葭深護水雲鄉門掩青山對夕陽吟罷小樓閒眺望晚風

吹起白蘋香

胡慎容

字觀止一字臥雲又字玉亭山陰人天游女弟慎儀從妹會稽馮坦室著紅鶴山莊集

蔣士銓紅鶴山莊詩序略曰夫人本山陰人莊集直隸遂爲大興人早孤負夙慧方六七歲卽能信口爲韻語稍長伯父寶言先生授以書一過成誦乃自購經傳古文讀之既而復取宋人詩涵泳之心有所得於時祖官於粵遂以夫人締姻馮氏馮氏舊亦山陰人官粵者也夫人從兩家宦遊歷覽名山大川俯仰規弔所作遂多隨手散佚時而風雨一燈擁殘書數十卷刻苦如書生每對江山清道依一燈擁殘書數十卷刻冷香山館詩詞集調滿江紅題山陰女史胡臥雲紅鶴山莊詩後云僕木恨人爭禁得愁人言恨三十載謫墮紅埃青天難問顧影自憐情照淡知名不覺心親近歎人生離合亦尋常皆山分真不與前人遜豈特是今時後君一編珠玉一分丰韻聯璧况生佳姊姊外高才忍使理聲聞疑他年淑媛補新編千秋論原注云集中秋柳詩有也是人間

隨園詩話蔣荏生序玉亭女史之詩曰雛象文明而備位乎內女子之有文章蓋自天定之玉亭嫁馮氏所天

非解此者送一切焚棄之然其詞語已流播人間有紅
鶴山莊詩行世其女兄采齊仲景亦皆能詩俱不得志
玉亭亦鬱鬱未四旬沒矣舊生背誦苦際變一詞云人
言我瘦形同鶴朝朝攬鏡渾難覺但見指尖長羅衣褪
粉香客能吟致異不覺腰肢細清減
肯如梅湖零亦是魁可想見其繁矣
越風紅鶴與同懷姊慎淑字景素堂姊慎儀字采齊俱
負雋才稱胡氏三才女紅鶴夫亡後以貧困隨姊采齊
游嶺南鬱鬱死無
子有一女即思慧
鬼亭詩話予當戊寅已卯在嶺南曾見紅鶴年僅四十
并昭其夫馮坦年小於胡是時思慧纔十二齡今觀越
風所載謂夫亡後始同姊遊嶺南誤矣予女蘿素聰穎
早亡心甚痛之有秋燈夜讀遺照一幅嘗攜行笈中海
內名流題詠頗多紅鶴亦有句云十五盈盈掌上珍便
教烟化入埃塵香消繡絮殘秋月冷瑤階認舊身秋
院無聲細帙掩銀缸有影玉釵新分
明夢綠雲英侶忍語神仙謫後因

過嶺

一雙征雁拂天翔似我天涯姊妹行半嶺梅花成故舊兩肩
書本是行裘南瞻粵海愁羈旅北望燕雲指故鄉只有嬌癡

小兒女戲髡篋笏索檳榔

粵城懷古

仙人不跨五羊來碧海丹山次第開
洗氏談兵名將氣尉佗稱帝匹夫才
功留銅柱存冤魄骨掩花田轉劫灰
此是炎方冠帶國書生曾請棄珠厓

月明夜夜聽潮雞豈有珊瑚樹可棲
不嫁誰憐何奈女成仙真愧葛洪妻
願移炎海驚濤靜蝶到羅浮好夢迷
只有包公賤巖石五丁前此葬端溪

山行

山徑深深入寒泉滴翠微
野花香印履蔓草綠牽衣
古寺鐘聲度喬松鳥影稀
水光橫遠岸雲葉映斜暉

寄表姑母史若蘭

金鳳烏絲玉葉殘書成幽恨寄尊前關山月色無邊好照到
愁人便可憐

殘梅

纔發陳林便褪粧冰姿空對月昏黃東風只顧吹零雨那惜
枝頭有暗香

商

可字長自會稽人元江知

越風獨豹君曰長自係寶意太守女亭亭玉立有林下
風未出閣西亭太守痛惜之輒其遺詩爲墨花一現集
畫漁條話味芒鞋如杭菴蒲板橋霜外跡紅葉雨中聲
咏酒市如董瞻巖芳草社前雨杏花村外樓吟苔如商
長白昨宵疑有雨深院斷無人皆絃外獨絕之韻長白
乃寶意太守掌珠以一纖閣弱齡而超妙至是宜乎甫
十九而凋謝如曇花一現也按咏苔上句用潘道遙
夜涼疑有雨下句則將玉溪生口長深院斷無人截去
上兩字妙於咏苔天然
怡合此尤善能驅使者
息亭詩話長白咏苔詩昨宵疑有雨深院斷無
人可與金壽門過雨縱三月無人又一年並傳

兩浙輶軒錄

卷四十

商可

美

題王氏園林

娟娟篋篋竹亂出牆陰斜橫蘆織窗戶知是山人家春光不相待落盡紅薇花

撲棗歌

庭前東樹青槎枒撲打不問東西家打棗之竿有長短日來負篋筐不滿明年東樹枯欲死載薪一車出城市篝燈夜宿寧陽麻縛柴架竹栽秋瓜

垂簾

坐向綠陰裏垂簾盡似年鶯聲催午課花氣擁春眠問母尋眉譜隨兄治硯田潛心看內則鈔得兩三篇

送春

鶯花上日佳窗夢錦爲鞋過眼桃花鮮驚心燕子釵西來空

色相束逝急江淮一寸銷魂土閉愁不可埋

苦

似草還非草平鋪作坐褥昨宵疑有雨深院斷無人傍砌青
猶薄侵衣碧漸勻雙弓須記取轉盼卽生塵

芍藥

銀蒜垂簾日影重小金鈴子語丁冬謝郎鄭女應相謔霧閣
雲窗可易逢似笑無言香乍起因容生想露方濃人間漫長
燕支價看到將離意自慵

題畫

黃雪離離點翠鬟秋光一抹上屏山彩雲飛盡碧天遠半夜
月明聞珮環

胡慎儀

字采齊山陰人諸暨諸
生縣庠室著石蘭集

陳泃韓朝卿

卷四十一

越風石蘭父世釋入籍大興官元城教諭遂家於北石

蘭同夫客嶺南夫死攜家累及五棍北歸無妹臥雲女

思慧爲女遂壻洪

洞劉侍郎秉恬

歸裴過庾嶺感作

五觀十三人艱危仗此身經年泪洗面百感痛傷神江右無

茹屋燕南有老親如何千樹雪不似去時春

曹慰我

字雪軒
海寧人

初夏次韻

閒坐風窗度歲華石泉清供一甌茶棟花風裏寒暄亂纔脫
輕綿又夾紗

殘紅撩亂墮香魂槐葉成陰晝易昏幾日丁冬簾外雨苔花

延綠繡柴門

李蒨荃

錢塘人繪如女陳
寅室著

張潤傳畧曰女甥姓李氏妻於陳蒨蒨其字也家居城北屋四圍多隙地因闢爲小室廣植竹梅池中蓄蓮數本紅罌而黃綠結實味甘如飴余嘗過其家臨流點筆課以短吟有云碧波清瑩葉田田佩冷衣香韻可憐若使臨風能解語應羞脂粉流金仙其嫺雅之致可想兄也迨歸陣子珣石珣石爲名諸生襟期曠達絕異世儒得蒨荏倚如良友間關酬倡共喜爲黃老之談自號所居曰了緣斯言其恒化之先兆矣

如意池

山圍樹密咽清泉流去春光又一年漫說事多如我意眼看池月幾回圓

盧蘭露

錢塘人石門貢生胡家琪室著倡隨集

胡家琪傳畧曰孺人盧氏武林鶴山公女高祖諱頤字子繇明季高士家多藏書以故博覽經史能詩文

新綠

一庭新綠映斑斕草色苔痕繞砌間醺醺凝香澆宿雨黛螺

點筆染晴山茶烟如縷穿蘿幌翠羽爲鈿貼鳳鬢綉閣已添

兩浙贈肝錄

卷四十

曹慰我李倩荏盧蘭露

五七

芳景好何須野眺寫幽閒

盧芸泉

仁和

嚴因曰聞秀盧芸泉爲順治戊戌進士山西學政盧元培會孫女乾隆壬午舉人大谷知縣盧建其妹字歿未

秋夕

蛾眉新月照林邱眺遠憑高獨倚樓萬里西風征雁急一聲啼破楚江秋

高

琬

字含貞號晚香平湖人高文恪公元孫女沈女

朱爲綱曰晚香女史先祖母之姪女也貞淑敏慧工詩善繪事花卉得南田遺意

寄懷家大人秦中

獨攜襖被向秦川僕指歸期應惘然茅店雞聲霜月白故鄉兒女正安眠

陳登峯

字行止又字耕雲海寧人州同知陳鈞女監生楊陳謀室著紅餘漫草

春日舟次

朝來值新霽，鳴櫓泛澄波。野景村邊闊，春風柳畔多。推蓬宜小酌，放眼擬長歌。靜聽催歸鳥，知渠却爲何。

孫晚蘭

號愛蓮主人石門人
嘉善貢生陳秉元室

春盡

風急雲昏雨似絲，銷魂最是綠肥時。可憐春去憑誰挽，靜對花飛有所思。

勞純一

字安岐石門人勞心齋女仁和劉玉峯室

書寄外書後

南枝初放故園花，屈指行人到海涯。欲折一枝憑驛使，恐勞客夢屢還家。

除夜思親

無端爆竹又催年
惱亂愁心夜不眠
遙想吾親千里客
寒燈

旅館正淒然

汪

亮

字映鄰號采芝山人桐鄉人司城汪文柏孫女歸安諸生費樹榭室著采芝山人詩存

香樹齋續集采芝山人吾郡右族汪氏女父叔兄弟爲郡守郎官咸有治行山人幼嫻婦德能詩

早起

夢覺燈微待曉鴉
薄寒猶著幾重紗
自憐多病資生意
亂插磁瓶帶露花

偶感

事過渾如夢
偏能感鬢絲
雨收花笑日風定
蝶眠枝養拙
宜緘口忘情待展眉
遺愁何者可惟有強裁詩

朱文英

秀水人

采菱歌次韻

南蕩北蕩去來舟東湖西湖一樣秋起早自嫌雲鬢亂撥開
菱葉照梳頭

陳藻

海寧人建水知縣陳履祥女儀徵太常卿謝翱生籍室

題月桂圖

雨過清風作晚涼連雲老翠入新黃天風一夜來仙闕世上
龍涎不敢香

陳順

子敦素海寧人宛平知縣基女監生俞思謙室

海棠花落有感

海棠前日綻春風又見繁華漸漸空紫燕雙飛銜不盡可憐
零落一庭紅

順是年卒人以爲詩識思謙悼亡詩有啄絮詩殘畱故匣銜花燕子剩空簾之句

朱遠

字虔齋海寧人河東運同海鹽陳克鉉室著慈雲閣詩存

池塘漫興

下州車車金
抽書架上日摩挲九十春歸喚奈何滿徑斜陽飛燕遠一簾
細雨落花多遙山照檻刪黃竹沙嶼當樓長碧波深院沉沉
時徙倚閒燒庵臥熨輕羅

海棠

花霧濛濛春未老蝦鬚簾捲明芳草東風用意染胭脂西府
名葩開更早數點嫩枝猩血紅正宜著雨不宜風獨來清賞
燒燈後扶起濃粧淺睡中濯錦江頭愁最擅碧雞坊裏驚難
見鬢亂釵橫不自持華清呼起羞嬌面吸盡紅雲只恨遲神
仙風格立芳時潯山粗俗嫌桃李爲愛清標折一枝

陳

綸

字蓮蕙海寧人刑部侍郎諭曾孫女

俞寶華曰陳綸爲國子生其女
于歸甫一載侍姑疾費勞而卒

過田家

屋光最好野人家門徑斜臨綠水涯短旆青颿茅店酒疎林
紅隱竹籬花禾登場圖喧簷雀草滿坡塘少鉏車却羨夕陽
茅屋畔閒聽父老話桑麻

魯湘芝

字慕班會稽人福州同知楷女山陰
戊子孝廉劉以垂室著慕班詩草

清明書感

又是春郊禁火天可憐芳草滿晴川隄邊柳繫王孫馬橋外
烟迷游女船昆海當時驚異俗鑑湖此日感華年風塵踪跡
如蓬轉不及沙鷗自在眠

銅人

赤帝山河蔓草蕪何人重問漢規模承光盡是金魚佩惟有
銅人血淚枯

樓瑜官

義烏人德峻女許字同
邑朱有紹旌表烈女

四詩車車金

卷四

乙

樓上層曰烈女年十八許字朱有紹將婚而有紹卒女赴園池死邑人以狀聞奉

旨旌表

絕句

柏舟矢志守堅貞皎皎青天月更明自古浮生歸一吹我心爭似水心清

周琴

字雲和嘉興人貢生鍾駕齋室

乙酉秋外赴省試薦而不售作詩慰之

風急盤雕落故林重陽閉閣罷登臨銛鋒雖折心猶壯好向

窗前理靜琴

周婉

餘杭人青川教諭章櫺室

詩崖賦說先室周氏十五結澗性淑而慧當僭坐後軒看雨新燕掠溪如剪忽操筆書小令曰風滿溪雨滿溪風雨濛濛燕子飛盡橋西復西蓋長相思之半闕也予甚驚歎令更作後半闕笑而不言後三年竟卒

閨情 集古

夫重封侯愛妾輕別來二十四番春魚書欲寄何由達且問

橋頭賣卜人

楊夢琴 餘杭人

水閣

水閣風迴候鐘聲隔遠汀魚翻波影白螢度柳梢青

邵秀雲 餘杭人

春闌

柳琢黃金縷花抽白玉簪年年鶯與燕春入畫樓深

汪汝淵

字聽月秀水人海寧舉人詩
申琬繼室著雙桂樓小草

俞賓華曰汪汝淵爲廣東鹽運司
經歷璉之女母苕溪張氏亦能詩

暮春雜詠

泥香却趁燕歸去。歷亂花叢。賀翦裁剛把。東君畱暫住。一簾風雨又催回。

節婦富氏

蕭山人舉人富啟英女同邑仁和訓導王璣

室乾隆四十六年旌表節婦著樊係詩稿
蔡英曰節婦隨任武林與方夫人芳佩爲閨中莫逆時
勻山陳先生董浦抗先生兩門閨秀聯袂湖山雅有酬
唱卷帙實繁中年焚棄存十之一有詩百餘首名之曰
焚餘朱大中丞石詔先生視學兩浙時撰王節婦傳

冬夜書懷卽用陳三姊來韻

月色正溶溶。閒愁掃萬重。坦懷前度雪。本性後凋松。對鏡形還瘦。揮箋筆未慵。料應諸姊妹。添線繡芙蓉。

秋懷

天時有冷暖。人事見悲歡。秋雨一窗老。晚風半榻寒。每憐萱草萎。愁聽雁聲酸。恍惚難成夢。燈花尚未殘。

梅玉卿

字瑞仙天津人海鹽陳孝治側室著紅豆山房集

愼萃紅豆山房集序略曰玉卿者陳墨農之細習也墨農遊津門遇玉卿以母子孤荒遭勢家強橫爲脫其難母子感激卽以玉卿歸之所居紅豆山房其定情地也歲乙酉墨農隨尊人入滇玉卿以母病不得從丁亥滇南軍興墨農參軍幕府尊人旋落職不得歸玉卿已亡錄紅豆山房集附友子集後以傳

春遊卽景

東風拂拂蕩輕舟女伴相攜樂共遊花事今年成勝賞柳條隨處綰春愁帆依遠岸看常好語出香奩致亦柔七十二沽烟水遠幾多風景一時收

答來書語作

使者來天末攜歸一卷詩知君垂念意教妾不勝悲母老欣無恙家貧尙可支庭前紅豆樹常是發新枝

孟折蓮

平湖人孟用久女

錢仁榮曰同邑布衣孟用久女性聰敏觀書過目成誦詩亦清雅可喜惜早天不能展帙

臨絕口占

相逐嫦娥入月中
桂花香裏御清風
回頭欲認生身處
塵海茫茫一片空

沈

芬

字左嬌歸安知縣作霖女太僕卿戴瑤室

戴瑤行述略恭人爲榆村先生長女幼慧有蓉春一絕云云于歸後絕口不吟余每信筆拈韻頗知陳揆悼亡詩有云荼蘼花斷少詩章雖誦多年句有香却賴推敲成畏友吟安一字幾商量施太常同年極稱蓉春四句深得唐人三昧

暮春

數聲鶯鴂過門巷
罷秋千怕看荼蘼架
春光又一年

孔蘭英

桐鄉人汪聖清室

錢仁榮曰孔蘭英工詩善畫

秋懷

紛紛大葉舞迴廊
自酌香醪破悶嘗
遠道短書勞悵望
比鄰長笛助悲涼
閒愁易亂如衰草
女伴難留似夕陽
獨有寒蟾非世態
照人薄醉坐蘭房

趙德珍

字蘭素德清人監生岐鳳女平淑

陳焯曰楊維禎于高室著得月樓存稿
器重之是時于高與德珍結稿未久曾言及爲德清趙
氏婿而不言閑中人能詩追戊午應試至杭始出其詩
相質按得月樓存稿本十卷今所節錄者爲繡餘吟課
乃不并時所作也

雨霽晚眺

一雨生衆綠微風吹纖葦簷聲已闕寂
澗響猶琤琮開簾明晚山朵朵青芙蓉
濃雲歸絕壑一縷時相從幽禽忽飛來
綿蠻語庭松松影翠侵衣禽聲清入耳
落日下簾鉤徘徊曷能已

春泛

東風邀勝賞，小艇破春溫。野水碧無際，桃花紅一村。長堤留
屐印，落日碎禽言。指點荒煙裏，誰家有墓門。

春暮

一夜雨聲中青光已滿，叢鳥啼春夢，被花落盡樓空。拂鏡開
塵匣，調琴譜鞠通。莫愁芳事盡，欄藥正舒紅。

晚涼獨坐適蔡妹

祿珍至

柱閣清閒絕點埃，晚風生處亦悠哉。蟻穿樹腹潛還出，蛛網
簷牙去復回。天意乍涼梧已覺，吟情未發鳥先催。坐來忽聽
珊珊韻，知是弓腰點碧苔。

曉起

一夜蟲聲入絳紗，枕痕涼浸簾紋斜。曉窗露重清如水，籬落

開白丑花

舒靜娟

仁和

朱春生曰舒靜娟閨秀嗣音之姑嗣音嘗從學詩嗣音不忘所自附詩卷後因錄存之

夏日睡起

晝漏沈沈午夢賒薰風初透碧窗紗檐前聽得鸚哥說湯沸紅鑪好瀹茶

唐在東

餘姚人恩州知府陳元側室

答陳太守見寄

一曲驪歌歌未已征夫雨雪三千里三千里路未云遙妾夢

同鈞西江水

陳淑旂

字繡莊上虞人歲貢生志學女山陰戴某室

越風繡莊早賦柏舟茹荼守志士林稱之

有折簪年錄卷四十一舒靜娟唐在東陳淑旂

舊

蔡英曰續莊幼得異傳能以鍼灸治沈痼余幼時染瘵亦幾殆先孺人攜乞續莊治之應手立效時續莊猶未出園也後十餘年以郡試就居陳丈齋中則續莊載某已卒續莊依老父以居始得讀其詩時秋花滿庭續莊賦詩有與我共無中酒物多君偏有耐寒芳之句老詩人劉三連極賞之

鄭太恭人邀登大觀堂遠眺

大觀堂踞臥龍巖何處笙歌象外傳銀鬢朱顏光座上玉壺金井在樓前名花細裊深巖雨野鳥頻呼隔樹烟最愛日長山更靜蓬萊小憩卽神仙

初柳

水晶簾箔漾晴光萬縷千條繞步廊人在漢關春自遠夢隨吳苑去何長西陵雪後無全翠南陌風前有嫩黃莫向赤闌橋外望玉鞭驕馬最難忘

閨晚

織體怯春寒名花帶月看惜花兼惜影不忍倚闌干

戴韞玉

字西齋歸安人思恩府永椿女

錢唐同知陳淑室著西齋遺稿

周璵傳畧曰女士名韞玉母沈淑人夢晉太傅謝公遺

紫玉半瑛遂生女士因名焉其尊人由詞館遷侍御旋

乘泉晉陽調江蘇女士得偕仲弟侍所生足跡半江南

北所至輒觀佳山水歸陳公子牛江不能從又志名場於北

試率不觀察謫守海州女士每落解輒一子至是陳

適僑居錢唐之復園半江作長歌行幾千言述往蹟今聲

遇羅女士第子無生趣作長歌行幾千言述往蹟今聲

海俱在多僻仰然女士上素痛至省閩月遂不起時年

止三十也遺篋得西齋詩詞若干首都爲一途是秋半

江登賢書而女

士已不及見矣

藏文燈西齋遺稿跋畧曰姊妹幼嗜書年二十歸於陳子

半江中間廢書父之與極官舍追問居苦水而半江方

奔走幽燕豫章之間常拂鬱不得志如昔水而半江方

悉寄之於詩故多感憤無聊之語拈筆甚多恒不自藏

非全其遺者爲半江所接拾故有未經

點定者愚謂存其真乃所以存其志也

戴璵曰先姑赴粵時登觀音岩題壁云已超塵土三千

界漸覺賺明四大空翌日傳至羊城歎爲仙筆未幾下

夜風

三

世信詩識也西齋遺稿題詞甚多如汪文端公云斷粉零瓊幼婦辭凌雲高格陋然脂槐花秋冷深閨夢蔥草春闌遠道思十載鏡奩遺藻在千秋彤管賞音知君憐憫惻惻南交守腸斷庭前咏絮時尤爲清切

送外君赴江西金學使幕

目送洪都去臨分最愴神夷猶江上棹珍重客中身波古練非短量才尺自均芙蓉雖入幕只恐旅愁新

旅魂入夢忽得鴈剪分波月魚驚曬網船二句爲足成之

野花橫略約片影自娟娟鴈剪分波月魚驚曬網船好山當野岸怪石過流泉眺望空濛裏時生薜荔烟

送張氏表妹之京師卽次畱別原韻

城南相送暮寒凝苦愛風流咏絮能是日雪瑤匣關情隨畫舫珠簾飛夢繞紅燈執書不惜魚頻寄拔宅誰將鼠共昇此別

小華多韻事藍田日暖泮春冰

桃花殘後慨然有作

轉眼殘紅覆水潯可憐結子未成陰沿流不是輕陰薄春雨
春風力不禁

家大人改官潯州恭賦送別

忽傳

恩詔出彤墀出守潯江路險巇十載勞民心似水一身去國
鬢如絲浪花蕩漾朱旗捲帆影翩躚碧樹移謫宦情深湓浦
月登樓夢逐嶺頭枝俸錢散去謀生拙鄉井勾留飲餞遲達
命不須嗟李廣望塵無復避元規影形固是周旋久寒煥難

堪童僕知紅淚縱橫愁遠道白雲繾綣憶當時

家大人乘泉晉陽予寄懷

詩有今夕思親雲是白之句

自憐識字原非福爲說投荒更足悲翹首天

涯轉征旆行厨洗手進瓊卮

陳素

字雲有海寧人查寧室

蘆花和夫子

繁花如雪滿汀洲搖落江潭處處秋
遠共白雲催暝色長隨明月映清流
片帆影外輕鷗起柔櫓聲中遠客愁
蕭瑟不堪回首處年年飄泊五湖頭

王荃

字靜媛嘉興諸生史卯君室

蘇榆月查詩鈔悼駕湖王靜媛詩注曰王靜媛諱荃諸生史卯君之妻能詩臨終有斷句十七首今錄其四清

真懷一讀一令人酸鼻也

臨終詩

錄二首

牀第沈吟心事枯添衣勉起倩人扶
瘦容如許羞君面他日生綃看畫圖

自來家事不相羈落拓娛情酒後詩只有一端須猛省君逾

三十尙無兒

李氏

嘉興人監生鄭祖謙室著黃梅詩草

朱文藻曰節婦李氏嘉興監生鄭祖謙室年二十八稱未亡人五十六歲卒奉翁姑訓子女飲冰茹菰歷盡艱辛

新燕

瞥見風前一剪輕呢喃似訴別時情
邨中社過人何覺院落春歸鳥有聲
纖羽拂殘蛛網佈舊泥點破案塵縈
知君不檢愁門入莫待營巢却悔成

五十述懷

借問貧居底事忙陰晴風景總淒涼
殘缸獨紡知宵半老眼分緘識畫長
梁燕依人棲舊壘庭花娛目試新粧
忘懷且領

兩浙輟軒錄卷四十

陳素玉室李氏

奎

稱觴酒記取黃梅風雪香

顏佩芳

字芳在號柔仙桐鄉人顏祈
女吳江周代室著烏葉草

王端淑曰一氣雄壯出人

意外而靈警之句滿幅

舩騰顏芳在桐鄉工部雪驪公女也歸我邑蜀溪周氏其送春詩最佳領聯云綠酣鶯語暖紅瘦蝶魂癡

送春

豈是春歸候。憑闌意。忽離綠酣鶯語。澀紅瘦。蝶魂癡澹泊。無羣好。幽閒與古期。欠伸方欲起。風雨到窗時。

戴佩衡

宇藏芳歸安人
編修閔惇大室

戴慙荃書遺詩後曰姊名佩衛適閔編修裕仲時尙困
 諸生壬辰入詞館來京生子連錫楊修貧病假歸旋歿
 姊悲痛半年亦逝幼與姊同學詩誦晦不以示人今已
 歿佚幼女亦適儀中義有丁亥送家大人上京一律墨
 潘猶新感而有作詩曰太史河汾遂相攸何地貧
 病積年愁困中亦擅修文筆可是雙雙赴玉樓
 碧溪詩話聞秀戴蘊芳詩全稿未見僅從其妹戴蘋南
 遺草中掇刻送嚴塘叔父赴補一首今拈出之嚴塘卽

南之
父也

送服塘叔父赴補

晏歲衝寒指

帝京菰蘆思慰倚閭情編排梨棗謀遺集孝養陔華急遠征
臺閣大儀綿世德風流水部繼詩名鞭絲帽影衝寒去到及

春明聽早鶯

時校刻儀部叔祖詩集

戴佩荃

字蘋南又字春渟歸安人太僕戴璫女仁和趙日照室有蘋南遺草

戴璫哭女詩序曰女名佩荃歿年僅二十三明慧能詩兼工畫書體尚豐碩似非天相而不永其年哭之以詩

一夕成二

十三首

吳興宗題遺草詩椒吟茗賦古兼推門第誰將品地該
大女香隨花雨散蘇姬才薄錦紋迴尊章泣月驚秋到

慈父牽情促夢來他日一編

傳兩姓班箴史管見親裁

汪方佩題詞離風分離後萱庭念轉深相將游碧澗無復辨琴音遺詩空留室清詞已絕吟昔年傷弱息根

兩浙輶軒錄

卷四十

戴佩荃

六

腐泥
盈襟

讀馬樊榭集有和閨秀陳坤維丁巳閏九手檢顧秀野
元詩選賈供餽粥詩有感次韻

中饋蕭涼貧可知只餘秀野百家詩
節逢閨九情多感念到
先人句更悲乞米固應煩巧婦
封侯何日慰書癡
里居無復
微鍾範空嘆秋宵握管時

新燕

羽毛鮮潤望依稀
睡足晴窗展翅微
喚母但能啾唧語
戀巢猶怯往來飛
棟花庭院春如許
梅雨池亭客未歸
啼向畫梁容十宅
爭如隨分著烏衣

戴咏繁

字池香歸安人佩
荃妹韓汝翼室

永年官署思親

千里思親魂夢牽長宵輾轉未成眠相憐惟有天邊月半照
京華半永年

韓鸞儀

字隱霄錢唐孝女

朱彭韓氏二孝女行畧曰吾友韓月岑錢唐名七也有
二女仲曰鸞儀季曰鳳儀幼耽書史嘗讀古孝子傳卽
言之妮妮孺形于色年及笄媒氏以姻事來言二女聞
之泣告母曰家貧親老兩弟孱弱兒豈忍一日離膝下
耶長弟患瘰癧血不止則割股合藥季則籲天減算父夙
工詩暇則與父酬唱仲紙握管如書生得一佳句其相
歡喜以是家雖貧得天倫之樂嘉慶丙辰夏父病危不
治母又病歿仲哀毀病甚驚起奔寢所一慟而卒季與
弟經營雨喪備極荼苦視姊含殮畢推背痛哭執弟手
曰汝身似續所關幸自愛吾當與姊從兩親於地下矣
遂不食越七日亦死及殮見臂上創痕未合蓋當父瀕
危時亦曾割股而人不知也鸞儀年三十九鳳儀年三
十七

姚米山太守

獅

以盧觀察望吳山八峯詩屬和家君因

率弟妹限韻各成八咏

選二

兩浙輜軒錄

卷四十

戴映繁韓鸞儀

充

玉筍峯

限尖字

崦嵫卓立自然漸

音崦

不逐龍孫冒雨添解籜無心完太璞笑

他玉版斷新尖

碁盤峯

限平字

坦如方罨自然平未許人將黑白爭惟有紫陽招野雀滄桑

一局寄閒情

秋夜月下觀竝蒨蓮與隱雯妹聯句

雨歇銀塘月正圓

霄

紅蕖翠蓋映清漣倚風舞袖疑垂手

雯

池露花房愛比肩洛浦神姝憐影語

霄

江東喬女想容妍絕

勝太液池中品

雯

却占三秋桂子先

霄

韓鳳儀

字隱雯
霄儀妹

玉筍峯

尖字

雲牙交迸出巉岩秀挺依稀玉筍尖朔雪春雷經幾許未曾減亦未曾添

劍泉峯

鋒字

樓峻峭立異羣峰疑淬吳鉤光上衝虎阜石頑徒試劍生公見亦讓機鋒

嚴

文

字淑暉烏程人訓導溫純室

陳焯曰文幼慧喜吟詠有題石橋詩刻墨香居畫識中歸同邑訓導溫純早沒

病後

瀟瀟秋雨織煙絲偏繞窗前簾幕垂如此輕寒禁不得莫嫌病起曉粧遲

沈烈女

石門人許字姚濂著絕命詞

嘉興府志姚濂聘妻沈氏濂貧不能娶以病卒沈聞哀號不輟求往夫家父母力止不從絕粒吞錢求死乃許

兩浙輜軒錄

卷四十

韓鳳儀嚴文沈烈女

七

歸姚進以銷錢之藥得不死已而絕粒至
三十二日復吞錢十餘枚乃死年二十三

絕命詞

少小曾翻烈女編敢將心跡擬前賢只知從一而終義一命

追隨到九泉

李祥芝

秀水人雲和教諭傑女孫

諸錦曰祥芝余之姨甥女幼穎悟從其父授經暇讀詩
拙題成章積數年詩卷盈篋其父攜詩請陳石泉先生
評點先生又呈錢宮傅俱稱賞性純孝母設號泣不已
遂得疾及篤呼婢盡焚其詩惟未彙入稿者得不焚

梅花

自作溪雲紅作霞生來標格絕鉛華誰家竹外寒香遠幾處
籬邊瘦影斜拂水春風遊屐徧到窗夜月夢吟賒廣平漫許
心如鐵嫵媚曾憐賦此花

陳文鳳

錢塘人黃女

碧溪詩話吾友陳百藥女李夫人倩花所出兒時隨母
授誦唐宋人詩篇卽姻爲聲律長孱弱善病字汪子餘
門未婚而歿遺詩四首
附見西湖軼事卷後

追和先慈湖莊避暑元韻

如豆青燈燼飽油夜深琴罷倚山樓而今響絕無人續竹影
搖簾月半鈎

吟情大半寄孤篷小槩頻移湖寺東賞徧鶯花留百詠品題
應在郭楊中

草沒頽垣柳弄風遠峯雙髻尙蔥籠閒來小憩攤書坐蟬曳
殘聲咽舊叢

卜築湖濱曾納涼眼前風景去堂堂六橋聯袂成虛語何處

返魂有異香若教未返舊池去應擬聯吟過六橋芷齋名媛題句

梁

嫻貴州人錢塘吳言安子婦白號

蜀折舊千象全四十一李維芝陳文鶴

讀金蘋垞詩卷

林下高風邁古今錦帆徑上有同音分燈續罷還長詠悲燕
詩成祇自吟筆挾秋霜松柏性花依春草蕙蘭心閨中清寂
堪披誦展卷悠然月滿襟

湖上新綠

野橋淺漲白沙晴花落長隄分外清滿地碧雲吹不起一窗
綠雨聽無聲日移嵐影垂春水山擁林光入暮城昔日探梅
殘雪路祇今處處黛烟生

題畫上紅梅

一樹孤標野趣長春風吹酒醉寒芳紅羅亭外無人到滿院
蜂聲絳雪香

趙

氏仁和人陳
旦升室

陳壽亭狀略曰先慈趙孀人年二十歸先君先君慕遊
沒于楚薨潘親赴武昌奔喪回浙葬杭州先龍飲冰茹
檠數十年先慈知書嫻吟
咏遺稿散失僅存數十首

自武昌奔喪回浙途中作

浙楚迢迢一葉舟淒涼返骨故山坵已拚薄命相同逝爲有
遺孤強自畱淚滴寒江秋瑟瑟望迷鄉國水悠悠相看惟有
蓬窗月常伴孤鴻隻影流

吳

年

字古春歸安人烏程
董殿璽室著雪庭稿

十年從宦始一歸寧畱十數日將復隨夫子北上作詩

畱別大弟

積久一相見一見卽別離含淚出門去我舟已解維從此走
千里迢迢燕南垂蓬生本隨風棲泊安可期悵然此分手會
面知何時踟躕未忍別念子仁且慈重闈有老親出入須扶

持康寧卽厚福善禱足深維吾父遊衡陽幾時車載脂歸寧
不我值瞻望空漣而生女非有益不得顧恩私我行日以遠
繼繼常在茲音書頻寄我庶用慰憂思耿耿不可極千懷并
一詞已知終判異無爲尙遲遲惟應望南天心與浮雲馳

高閣

高閣娛清曉文窗展碧紗忘懷風挾絮綰影霧蒙花春盡仍
爲客書來正憶家倦遊聞我父稅駕自長沙

莊玉清

嘉定莊敬女許字仁和侍讀
余集次子仙保守貞殉節

太倉州志玉清許字余仙保未于歸仙保病故矢志守
貞祖母病有問病者議及改字玉清問知值祖母故後
絕粒七日死年二十二時乾隆五十年十一月十五
日也幼知文墨見諸弟學作五言亦操管和韻既沒
放遺簡得詩數十首皆作冰蘂自勵語五言如聞雁云
塞北書曾寄舊陽侶已分迷懷云罔極恩難報靡他願
亦深七言如對菊云且認秋容誰是瘦寧須戰
簡始知香其貞烈之性流露於楮墨者如此

病起

髫歲曾經習禮儀舍生取義故應知生成薄命家門累空使

高堂兩淚垂

臨危伏枕

玉折蘭枯枉自吁追隨王母得相娛多情弟妹還相憶麥飯
他年奠一盂

徐

湘字又娥號菱仙吳縣人著秋
湘聲集一卷東城險草一卷

朱彭曰菱仙隨父居錢塘幼從姜生怡亭學詩後父以
事林連死獄中菱仙悲憤成疾不半載以療卒年十六
怡亭爲營葬于北山之陽

梅雨

屋繞閒藤綠帶垂孤亭水漲客來遲江城積雨連朝暗正是
梅黃欲落時

兩折舊軒錄

卷四十

莊玉清餘韻

畫

秋柳

憶昔柔條鬪玉娥，那堪疎影照金波。
秋來零落腰肢瘦，應悔春風舞太多。

白秋海棠

綽約低枝映水濱，一番零落一番新。
籬根點點秋如雪，素質偏宜八月春。

羣芳譜秋海棠一名八月春

德容

俗姓朱名又貞嘉善人張我樸室

踐仁榮曰德容性極孝嘗笑不苟年十六適張我樸閨中廣唱聞者豔之後張君爲科場所累全家發遣乃上疏捐軀贖罪後爲尼

秋色有感二首

征帆溼淚帶秋風，客路迢迢欲轉蓬。
無限憶君傳織錦，有情長寄白雲空。

昨采將離不覺愁鐘催殘月獨悲秋思君旅館應無語南望多情似水流

行

剛字祇園嘉興胡氏女出家住

梅里詩輯行剛爲處士胡日華女諸生常公振宰嫁米期而寡中廢出家爲尼飯通乘爲弟子師以如意付之寶力焚修講明秘典洵女僧之坊表也

孟夏閉關有詠

百結鶉衣倒挂肩飢來喫飯倦時眠蒲團穩坐渾忘世一任塵中歲月遷

兩浙輶軒錄卷四十